

**Fa'asilasilaga o Galuega
Fa'atulagaina mo le Saogalemū**

**Aiā Tatau a Matua mo A'oga
Fa'apitoa K-21**



**Office of Enhancing Student Opportunities
255 Capitol Street NE
Salem, Oregon 97310**

O lenei tusi o loo ōgatasi ma Ta'iala a le U.S. Department of Education (Matagaluega o A'oga i le Lunaite Setete) mo Fa'asilasilaga o Galuega Fa'atulagaina mo le Saogalemū (luni 2009) fa'atasi ai ma fa'amatalaga fa'apitoa e fa'ataua i tulafono a Oregon e talafeagai.

O lenei tusi sa sauniaina mo le tausaga fa'ale-a'oa'oga 2020-2021. Ae peita'i, o le a fa'aaogaina lenei tusi se'ia mae'a ona logoina a'oga fa'aitumalo.

O fesili poo fa'amatalaga e fa'ataua i lenei tusi e mafai ona tuusa'o i le:

Office of Enhancing Student Opportunities
(Ofisa o Avanoa Fa'alauteleina mo Tamaiti A'oga)
i le Oregon Department of Education
(Matagaluega o Ao'ga i Oregon)
255 Capitol Street
Salem, OR 97310
(503) 947-5634

O lenei tusi e mafai ona maua i luga o le uega tafa'ilagi mo Galuega Fa'atulagaina mo le Saogalemū: <https://www.oregon.gov/ode/rules-and-policies/Pages/Procedural-Safeguards.aspx>

O faiga fa'avae a le State Board of Education (Komiti Fa'afoe o A'oga i le Setete) ma o se fa'amamua foi a le Oregon Department of Education e fa'apea o le a leai ni faiga fa'aailogalanu poo le sāuaina ona o ituaiga o tagata, lanu, itupa, tulaga fa'aipoipo, tapua'iga, tupuaga fa'aleatunuu, matua o le soifua poo nisi e iai ma'i tumau o le tino o loo i soo se polokalame fa'ale-a'oa'oga, gaoiga, poo totonu o falefaigaluega. O tagata e iai a latou fesili e fa'ataua i avanoa tutusa ma faiga e lē fa'aailogalanu e tatau ona fa'afesoota'i le State Superintendent of Public Instruction (Pule Sili o A'oa'oga Lautele i le Setete) i le Oregon Department of Education, 255 Capitol Street NE, Salem, Oregon 97310; phone 503-947-5634; fax 503-378-5156.

O fa'amatalaga i lenei tusi e mo:

- Mātua o tamaiti e pei ona fa'amatalaina i le 34 Code of Federal Regulations (CFR, Tulafono o Pulega Fa'afeterale) 300.30, o i latou e iai, pe e ono mafai, ona agavaa mo auaunaga i a'oa'oga fa'apitoa i lalo o le Individuals with Disabilities Education Act (IDEA, Tulafono o A'oa'oga mo Tagata Ta'ito'atasi e iai Ma'i Tumau o le Tino).
- O tamaiti a'oga matutua e iai ma'i tumau o le tino poo tamaiti ua fa'asa'olotoina e tusa ai ma le Oregon Revised Statutes (ORS, Tulafono toe Teuteu i Oregon) 419B.550 i le 419B.558 ma le Oregon Administrative Rules (OAR, Ta'iala o Pulega i Oregon) 581-015-2325.

FA'AUIGAINA O "MĀTUA"

E tuuina e le IDEA aia fa'apitoa i mātua o tamaiti e iai ma'i tumau o le tino. O se matua e mafai ona avea:

- O se matua moni poo mātua fai o se tamaitiiti;
- O se matua o se tamaitiiti mo se taimi puupuu;
- O se tagata ua fa'atulafonoina (e ese mai se ofisa sooupu o se Setete) poo se isi tagata ua iai lana matafaioi fa'atulafonoina mo le tausaiaina o le tamaitiiti;
- O se tagata o loo avea ma mātua e fai ma sui o mātua moni poo mātua fai (e aofia ai mātua o mātua, mātua fai, poo isi tagata o le aiga) o loo nofo ai le tamaitiiti; pe
- O se sui o mātua sa tofia e le a'oga fa'aitumalo poo se ofisa o fa'amasinoga mo tamaiti.

Afai e sili atu ma le tasi se tagata e agavaa e avea ma se matua, ae o loo taumafai mātua moni poo mātua fai e avea ma mātua, i lalo o le IDEA e ono filifilia mātua moni poo mātua fai e avea ma mātua. Ae peita'i:

- E le apalaiina le tulafono pe afai o mātua moni poo mātua fai e le'o iai so latou pule'aga fa'aletulafono e faia ai fa'ai'uga fa'alea'oga mo le tamaitiiti.
- Afai o iai se pepa mai le fa'amasinoga poo se fa'atonuga fa'aletulafono e fa'aalia ai tagata fa'apitoa e mafai ona avea ma mātua o se tamaitiiti poo le faia o fa'ai'uga fa'alea'oga mo le tamaitiiti, o le a avea lena tagata ma mātua mo fa'amoemoega o a'oa'oga fa'apitoa.

🎓 O tamaiti a'oga ua atoa le 18 tausaga, o tamaiti a'oga laiti e agavaa ua fa'aipoipo, poo tamaiti ua fa'asa'olotoina fa'aletulafono, ma leai se tasi sa tofia e le fa'amasinoga e tausai i latou, o la latou matafaioi le faia o a latou lava filifiliga mo a latou a'oa'oga. O ia tamaiti a'oga o le a mauaina uma aiā tatau fa'amātua a le IDEA ua fa'amauina i lenei lomiga.

🎓 O lenei fa'ailoga e fa'ailoa ai vaega talafeagai e mafai ona maua e tamaiti a'oga matutua ma/poo tamaiti ua fa'asa'olotoina

🎓 Mo le silafia o aiā tatau o loo i lenei tusi e tuuina i se tamaitiiti o le a tuuina foi i se tamaitiiti a'oga matua e agavaa i lalo o le IDEA.

E le'o tamaiti a'oga uma e iai ma'i tumau o le tino e agavaa mo auaunaga tau a'oga fa'apitoa i lalo o le IDEA. O nisi tamaiti a'oga e ono iai ma'i tumau e matuā aafia ai le tele o gaiogiga i o latou olaga ae latou te le 'ausia tulaga mana'omia e agavaa ai mo se tasi o vaega fa'atulagaina o ma'i tumau o le tino i lalo o le IDEA. O nei tamaiti e mafai ona puipua e tulafono eseese fa'afeterale, e pei o le Vaega 504 o le Rehabilitation Act (Tulafono Ta'iala mo Togafitiga Fa'aleleia o le Mafaufau) o le 1973 poo le American with Disabilities Act (ADA, Ta'iala mo Tagta Amerika e iai Ma'i Tumau o le Tino). O aiā tatau a nei tamaiti ma o latou mātua e foliga tutusa, ae le tutusa, e pei o galuega fa'atulagaina mo le saogalemū o loo fa'amatalaina i lenei tusi. Mo nisi fa'amatalaga e fa'atatau i nei tulafono, fa'afesoota'i le pule o le Vaega 504 i lau a'oga fa'aitumalo pe silasila i fa'amatalaga i le [upegā tafa'ilagi mo Aiā Tatau Fa'aletulafono a le ODE](#) .

Fa'asino tusi

FA'AUIGAINA O "MĀTUA"	2
FA'AMATALAGA LAUTELE.....	5
TUSI TAULOGOLOGO MUAMUA.....	5
GAGANA MONI.....	6
IMELI FA'AELETORONIKA.....	6
MALIĒGA - FA'AUIGANA	7
MALIĒGA	7
INDEPENDENT EDUCATIONAL EVALUATIONS (IEE).....	10
PUIPUIGA FA'ALILILILO O FA'AMATALAGA	12
PUIPUIGA FA'ALILILILO.....	12
FA'AUIGANA	12
FA'AMATALAGA PATINO	12
FA'ASILASILAGA MO MĀTUA	12
AIĀ TATAU I FA'AMATALAGA	13
FA'AMAUMAUGA O AVANOA E MAUA.....	14
FA'AMAUMAUGA O LE SILI ATU MA LE TASI LE TAMAITIITI	14
LISI O NOFOAGA MA ITUAIGA O FA'AMATALAGA.....	14
TUPE TOTOGI.....	14
TALOSAGA MO LE SUIINA O FA'AMAUMAUGA	14
AVANOA MA TA'IALA MO SE FA'AMASINOAGA E UIGA I FA'AMAUMAUGA FA'ALEA'OA'OGA	15
I'UGA O FA'AMASINOAGA E UIGA I FA'AMAUMAUGA FA'ALEA'OA'OGA	15
MALIĒGA MO LE FA'AILOAINA O FA'AMATALAGA PATINO A LE TAGATA.....	15
PUIPUIGA.....	16
FA'ALEAGAINA O FA'AMAUMAUGA.....	16
FA'ALELEIINA O MASEIGA.....	16
FA'ALELEIGA	16
ESESEGA I LE VA O FA'AMASINOAGA MO FA'AI'UGA TUTUSA MA LAASAGA FA'ATAATITIA MO FA'ASEĀ A LE SETETE	17
LAASAGA FA'ATAATITIA A LE SETETE MO FA'ASEĀ.....	18
FAILAINA O SE FA'ASEĀ A LE SETETE.....	20
FAILAINA O SE TALOSAGA FA'A-FA'AMASINOAGA MO FA'AIU'GA TUTUSA	21
PEPA FA'ATUMU FA'ATA'ITA'I.....	23
TUUINA O SE TAMAITIITI I SE NOFOAGA FA'ATALITALI A'O TĀLIA AI LE FA'AMASINOAGA MO SE FA'ALELEIGA I LE VA O LE A'OGA MA MĀTUA	23
GALUEGA FA'ALELEIA.....	24
FA'AMASINOAGA MO SE FA'ALELEIGA MO FA'AI'UGA TUTUSA E LE FA'AITU'AU	26
AIĀ TATAU I LE FAIA O SE FA'AMASINOAGA	27
FA'AI'UGA O FA'AMASINOAGA.....	27
TAIMI FA'ATULAGAINA MA LE LELEI O FA'AMASINOAGA.....	28
GAIOIGA FA'ALETULAFONO, E AOFIA AI LE TAIMI FA'APILIOTA E FAILA AI IA GAIIOIGA.....	29
TUPE TOTOGI I LE LOIA.....	30
LA'ASAGA FA'ATAATITIA MO LE A'OA'OINA O AMIO O TAMAITI E IAI MA'I TUMAU.....	32

PULEGA A LE MAMALU O LE A'OGA MA FAIA'OGA.....	32
AUAUNAGA	32
NAUNAUTA'IGA MO GALUEGA LELEI	33
SUIGA O NOFOAGA E NONOFO AI ONA O AMIOGA LE PULEA.....	35
FILIFILIGA O NOFOAGA E NONOFO AI	35
TALOSAGA	35
NOFOAGA E TUU IAI I LE TAIMI O TALOSAGA	36
PUIPUIGA MO TAMAITI E LE'O AGAVAA MO A'OA'OGA FA'APITOA MA AUAUNAGA FESOASOANI TALAFEAGAI.....	36
FA'ASINOAGA MA GAIOIGA FA'ATINO E I LATOU O LOO FA'AMALOSIA LE TULAFONO FA'APEA LE PULEGA O FA'AMASINOAGA ..	38
MEA E MANA'OMIA MO LE TUUFA'ATASIGA I SE NOFOAGA E TASI E FAIA E MĀTUA O TAMAITI I A'OGA TUMA'OTI O LOO FA'ATUPEINA E LE MALŌ	39

FA'AMATALAGA LAUTELE

O le Individual with Disabilities Education Act (IDEA, Tulafono o A'oa'oga mo Tagata Ta'ito'atasi e iai Ma'i Tumau o le Tino), o le tulafono fa'afeterale e fa'atatau i a'oa'oga mo tamaiti e iai ma'i tumau o le tino, e mana'omia ai le tuuina mai e a'oga o mātua o se tamaitiiti e iai ma'i tumau o le tino fa'atasi ai ma se tusi o loo iai fa'amatalaga uma o galuega fa'atulagaina mo le saogalemū o loo i lalo o le IDEA ma Tulafono a le U.S. Department of Education. E tatau ona tuuina atu i mātua se kopi o lenei tusi a itiiti ifo pe fa'atasi i le tausaga fa'alea'oga, ma e tatau ona tuuina lelei i mātua le kopi: (1) i luga o se ulua'i talosaga mo le aveina i se isi nofoaga poo le iloiloga o se talosaga a se matua; (2) i le mauaina ai o se fa'aseā muamua mai le a'oga fa'apitoa a le Setete i lalo o le vaega 34 CFR 300.151 e oo i le 300.153 (OAR 581-015-2030) fa'apea ma le maua ai o le talosaga muamua i se fa'amasinoga mo fa'ai'uga tutusa i lalo o le vaega 300.507 (OAR 581-015-2345) i totonu o se tausaga fa'alea'oga; (3) ina ua faia se fa'ai'uga mo se gaioiga fa'asaga i lou alo e afua ai le suia o se nofoaga e ave iai; ma (4) e faia i luga o lau talosaga.

O aiā uma i lenei tusi e fesoota'i i le Vaega B of le IDEA. O le Vaega B e aofia ai tamaiti mai le tolu tausaga (3) i le luasefulu-tasi (21) tausaga. Ua lolomiina foi e le Oregon Department of Education (ODE, Matagaluega o A'oga i Oregon) fa'asilasilaga o galuega fa'atulagaina mo le saogalemū mo tamaiti fa'atoa fananau mai - lima (5) tausaga i le polokalame a le Early Intervention/Early Childhood Special Education (EI (A'oga Amata)/ECSE (A'oga Fa'apitoa mo Tamaiti Laiti).

O lenei fa'asilasilaga o Galuega Fa'atulagaina mo le Saogalemū e talafeagai foi mo mātua o loo a'ooga a latou fanau e iai ma'i tumau i a'oga a le malō i Oregon. I lalo o le tulafono i Oregon, o le itumalō o loo iai le a'oga a le malō e nafa ma le faia o a'oga fa'apitoa.

TUSI TAULOGOLOGO MUAMUA

Fa'asilasilaga

E tatau i lau a'oga fa'aitumalō ona tuuina atu ia te oe se tusi (e fa'ailoa atu ai ia te oe le tele o fa'amatalaga i se tusitusiga), i totonu o se taimi tuusa'olotoina ae le'i:

1. Fuafua e amata pe suia fa'amatalaga patino, iloiloga, poo le tuuina o lou alo i se isi nofoaga fa'alea'oa'oga, poo le sauniaina o se Free Appropriate Public Education (FAPE, A'oga Faia Fua ma Talafeagai) mo lou alo; **poo le**
2. Tete e amata pe suia fa'amatalaga patino, iloiloga, poo le tuuina o lou alo i se isi nofoaga fa'alea'oa'oga, poo le sauniaina o le FAPE mo lou alo.

'Anotusi o le fa'asilasilaga

O le fa'asilasilaga tusitusia e tatau ona:

1. Fa'amatala ai gaioiga ua fuafuaina e lau a'oga fa'aitumalō poo le teena o le fa'atinoga;
2. Fa'amatala pe aiseā ua faia ai lea fuafuaga e lau a'oga fa'aitumalō poo le teenaina o le fa'atinoga;
3. Fa'amatala le fa'agaioiina o iloiloga ta'itasi, su'esu'ega, fa'amaumauga, poo lipoti sa fa'aaogaina e lau a'oga fa'aitumalō e fa'ata'oto ai ana fuafuaga poo le teenaina o fa'atinoga;
4. E aofia ai se tusi e fa'ailoa ai o loo puipuia oe i lalo o āiaiga o galuega fa'atulagaina mo le saogalemū i le vaega B o le IDEA;
5. Fa'ailoa atu ia te oe pe fa'apefea ona e maua se kopi o lenei Fa'asilasilaga o Galuega Fa'atulagaina mo le Saogalemū pe afai o galuega o loo fuafuaina pe teena e lau a'oga fa'aitumalō e le'o se ulua'i fa'asinoga mo le iloiloga; E aofia ai mea e fa'aaogā mo oe mo le fesoota'iina o se fesoasoani ina ia malamalama i le IDEA;

6. Fa'amatala soo se isi faiga ua mafaufaaina e le Vaega o le Individualized Education Program (IEP, Polokalame mo A'oa'oga Ta'ito'atasi) a lou alo ma mafua'aga sa teenaina ai ia vaega; **ma**
7. Tuuina mai se fa'amatalaga o nisi mea e talafeagai ma le fuafuaga a le a'oga fa'aitumalō pe teena.

Fa'asilasilaga i le gagana e malamalama ai

O le fa'asilasilaga e tatau ona:

1. Tūsia i se gagana e malamalama ai tagata lautele; **ma**
2. Tūsia i lau lava gagana moni sa'o poo se isi auala o fesoota'iga e te fa'aaogaina, se'i vaganā o se mea e le mafai ona fai.

Afai o lau gagana moni poo se isi auala o fesoota'iga e le'o se gagana e mafai ona tūsia, e tatau i lau a'oga fa'aitumalō ona fa'amautinoa:

1. O le fa'asilasilaga ua fa'aliliuina ina ia talanoa atu ai ia te oe i se isi auala i lau gagana moni poo se isi auala o fesoota'iga;
2. E te malamalama i le 'anotusi o le fa'asilasilaga; **ma**
3. O loo iai fa'amaoniga tusitusia ua 'ausia le vaega 1 ma le 2 o loo i luga.

GAGANA MONI

O gagana moni, pe afai e talanoa ai ma se tasi e tapulaa lana tautala i le Igilisi, o lona uiga o mea nei:

1. O le gagana e masani ona fa'aaogā e lenā tagata, poo se tamaitiiti, o le gagana e masani ona fa'aaogā e mātua o le tamaitiiti;
2. I fesoota'iga sa'o uma ma se tamaitiiti (e aofia ai le iloiloina o le tamaitiiti), o le gagana e masani ona fa'aaogā e le tamaitiiti i le fale poo le si'osi'omaga o loo a'oa'oina ai.

Mo se tagata e logonoa pe tauaso, pe mo se tagata e leiloa tusitusi, o le auala o fesoota'iga o le auala e masani ona fa'aaogā e le tagata (e pei o le gagana faitaga, gagana Patupatu, poo le fa'atalatalanoa).

IMELI FA'AELETORONIKA

Afai e ofoina e lau a'oga fa'aitumalō I mātua le avanoa e maua ai tusi o fa'amatalaga I le imeli, e mafai ona e filifili e mauaina mea nei I le imeli:

1. Tusi taulepito muamua;
2. O lenei Fa'asilasilaga o Galuega Fa'atulagaina mo le Saogalemū; **ma**
3. Fa'amatalaga e fesoota'i ma se fa'aseā mo fa'ai'uga tutusa.

MALIĒGA – FA’AUIGANA

Fa’auigana

Maliēga o lona uiga:

1. Sa matuā fa’ailoa manino ia te oe I lau gagana moni poo se isi auala o fesoota’iga (e pei o se gagana faitaga, gagana Patupatu, poo le fa’atalatalanoa) fa’amatalaga uma I gaioiga ua e mālīe iai.
2. Ua e malamalama ma e mālīe I se tusitusiga I lenā gaioiga, ma o le maliēga o loo fa’amatala ai lenā gaioiga ma lisiina ai fa’amaumauga (pe afai o iai) o le a tuuina atu mo le vaega e ave iai; **ma**
3. Ua e malamalama o le maliēga e volenitia I lau pitolaau ma e mafai ona e aveeseina I soo se taimi.

Fa’aleaogaina o se Maliēga – Afai ua e mana’o e fa’aleaogā (soloia) lau maliēga ina ua amata ona maua e lou alo a’oa’oga fa’apitoa ma auaunaga talafeagai, e tatau ona tuuina mai sau tusi. O lou aveeseina o lau maliēga e le tū’ua (aveesea) ai se gaioiga sa faia ina ua tuuina 7ail au maliēga ae e te le’i aveesea. O le isi mea, e le mana’omia le faia o suiga (suia) e lau a’oga fa’aitumalō o fa’amaumauga o lou alo ina ia aveesea ai ni fa’amatalaga sa maua e lou alo a’oa’oga fa’apitoa ma auaunaga talafeagai ina ua e aveesea lau maliēga.

MALIĒGA

☞ Mo le silafia o fa’amatalaga o loo i lalo i le tuuina mai o maliēga o le a fa’aaogā foi i tamaiti a’oga matutua ma tamaiti laiti ua tuu fa’asa’olotoina.

Maliēga mo se ulua’i iloiloga

E le mafai e lau a’oga fa’aitumalō ona fa’atautaia se ulua’i iloiloga o lou alo ina ia su’esu’e ai, pe agavaa lou alo i lalo o le Vaega B o le IDEA ina ia maua a’oa’oga fa’apitoa ma auaunaga talafeagai e aunoa ma le tuuina muamua atu ia te oe o se tusi na tūsia muamua i galuega fuafuaina ma le aumaia o lau maliēga e pei ona fa’amatala i lalo o le ulutala ***Tusi Taulogologo Muamua ma Maliēga***.

E tatau i lau a’oga fa’aitumalō ona faia gaioiga talafeagai ina ia tuuina mai ai lau maliēga malamalama mo se ulua’i iloiloga e filifili ai pe o lou alo o se tamaitiiti e iai ni ma’i tumau.

O lau maliēga mo se ulua’i iloiloga e le fa’apea o lau maliēga foi lea i le a’oga fa’aitumalō e amata tāpena ai a’oa’oga fa’apitoa ma auaunaga talafeagai i lou alo.

E le mafai ona teena e lau a’oga fa’aitumalō le faia o se maliēga i se auaunaga e tasi poo se galuega fa’atino e fesoota’i ma le ulua’i iloiloga o se faiga e teenaina ai oe poo lou alo i se isi auaunaga, penefiti, poo gaioiga, se’i vaganā o se isi mea e mana’omia e le Vaega B e tatau ai ona faia e le a’oga fa’aitumalō.

Afai o loo lesitala lou alo i se a’oga a le malō pe o loo e sa’ili ina ia lesitala lou alo i se a’oga a le malō, ae e te teena le faia o se mālīega pe e te le’i tali mai i le talosaga mo se maliēga i se ulua’i iloiloga, e mafai e lau a’oga fa’aitumalō ona fai, peita’i e le mana’omia le sa’ili e fa’atautaia se ulua’i iloiloga mo lou alo e ala i le soalaupulega a le IDEA poo se fa’aseā mo fa’ai’uga tutusa, fonotaga mo se fa’aleleiga, ma faiga le fa’aitu’au o fa’amasinoga mo fa’ai’uga faia tutusa. E le mafai e lau a’oga fa’aitumalō ona soliina ana matāfaii ina ia sa’iliina ai, fa’ailoa ma iloilo lou alo pe afai e le’i faia se iloiloga o lou alo i ia tulaga.

O tulafono fa'apitoa mo ulua'i iloiloga o uarota a le Setete

Afai o se tamaitiiti e mai se uarota a le setete ma e le'o nonofo fa'atasi ma mātua, e le mana'omia le aumaia o se maliēga e le a'oga fa'aitumalō mai mātua e su'esu'e ai pe iai se ma'i tumau o le tamaitiiti:

1. E ui i taumafaiga talafeagai ina ia fa'atino ai, e le mafai ona su'eina e le a'oga fa'aitumalō mātua o le tamaitiiti;
2. I aiā a mātua ua aveesea e tusa ai ma tulafono a le setete; **pe**
3. Ua avea e se fa'amasino le aiā tatau e faia ai filifiliga fa'alea'oa'oga ma ina ia fa'atagaina ai le faia o se ulua'i iloiloga i se tagata e 'ese mai mātua.

Uarota o le Setete, e pei ona fa'aaogā ai i le IDEA, o lona uiga o se tamaitiiti, e pei ona filifilia ai e le setete le nofoaga e nofo ai; o:

1. Se tamaitiiti tausi;
2. Ua fa'ailoaina o se tamaitiiti mai le uarota a le setete i lalo o le tulafono a le setete; **pe**
3. O loo i le vaavaaiga a se ofisa soo'upu a le malō mo tausiga lelei o tamaiti.

E tasi se faiga e 'ese mai e tatau ona e iloa. *O le Uarota a le Setete* e le aofia ai se tamaitiiti tausi o loo 'ausia e ona mātua o tausia o ia le fa'auigana o se *matua* e pei ona fa'auigaina ai e le IDEA.

I Oregon, o le uarota a le setete o se tamaitiiti o loo i le vaavaaiga lē tumau pe tumau, pe o usita'i i le Department of Human Services (Matagaluega o Auaunaga mo Tagata Lautele) poo le Oregon Youth Authority (Pulega mo Tupulaga Talavou i Oregon) e ala i galuega mai le fa'amasinoga mo tupulaga laiti.

Maliēga a mātua mo auaunaga

E tatau ona aumai muamua e le a'oga fa'aitumalō lau maliēga malamalama ae le'i tuuina atu a'oa'oga fa'apitoa ma auaunaga talafeagai i lou alo mo le taimi muamua.

E tatau ona faia e lau a'oga fa'aitumalō taumafaiga talafeagai mo le aumaia o lau maliēga malamalama ae le'i tuuina atu a'oa'oga fa'apitoa ma auaunaga talafeagai i lou alo mo le taimi muamua.

Afai e te le tali i se talosaga mo le tuuina mai o lau maliēga mo lou alo ina ia mauaina a'oa'oga fa'apitoa, ma auaunaga talafeagai mo le taimi muamua, pe o lou teenaina o le tuuina mai o sea maliēga pe mulimuli ane toe aveese (fa'aleaogā) lau maliēga i se tusitusiga, e ono le fa'aaogaina e lau a'oga fa'aitumalō galuega fa'atulagaina mo le saogalemū (e pei o fa'aleleiga, tusi fa'aseā mo se fa'ai'uga tutusa, fonotaga mo galuega fa'alelei, poo se fa'amasinoga mo le faia o fa'ai'uga tutusa e le fa'aitu'au) ina ia maua se maliēga 'autasi poo se fa'ai'uga fa'aletulafono e saunia ai a'oa'oga fa'apitoa ma auaunaga talafeagai (e fautuaina e le Vaega o le IEP a lou alo) e ono sauniaina mo lou alo e aunoa ma lau maliēga.

Afai e te teena le tuuina mai o lau maliēga mo lou alo ina ia mauaina a'oa'oga fa'apitoa, ma auaunaga talafeagai mo le taimi muamua, pe o lou le talia o se talosaga e tuuina mai ai sea maliēga, pe mulimuli ane toe aveese (fa'aleaogā) lau maliēga i se tusitusiga, ma ua le iai se fesoasoani a lau a'oga fa'aitumalō mo lou alo e saunia ai a'oa'oga fa'apitoa ma auaunaga talafeagai lea sa mana'omia ai lau maliēga, e mafai ona fai e lau a'oga fa'aitumalō ona:

1. E le'o iai se vaega o solia ai tulaga mana'omia mo le faia o se auaunaga mo se a'oga faia fua ma talafeagai (FAPE) e maua mo lou alo ona o le lē mafai ona sauniaina ia auaunaga i lou alo; **ma**
2. E lē mana'omia le faia o se fonotaga mo se polokalame mo a'oa'oga ta'ito'atasi (IEP) pe faia se IEP a lou alo mo a'oa'oga fa'apitoa ma auaunaga talafeagai lea sa talosagaina ai lau ioega.

Afai e te aveeseina (fa'aleaogā) lau maliēga i se tusi i soo se mea ina ua maua e lou alo ana a'oa'oga fa'apitoa ma auaunaga talafeagai mo se taimi muamua, e mafai e le a'oga fa'aitumalō ona le toe fa'aauauina ia auaunaga, peita'i e tatau ona logoina muamua oe e ala i se tusi, e pei ona fa'amatalaina i lalo o le ulutala **Tusi Taulogologo Muamua**, ae le'i fa'amutaina le fa'aauauina o ia auaunaga.

Maliēga a mātua mo le toe faia o iloiloga

E tatau i lau a'oga fa'aitumalō ona aumaia sau maliēga malamalama ae le'i toe iloiloina lou alo, se'i vaganā e mafai ona e lau a'oga fa'aitumalō ona fa'aalia:

1. Sa faia auala talafeagai mo le tuuina maia o lau maliēga e toe faia ai le iloiloga; **ae**
2. E te le'i tali mai.

E mana'omia e le tulafono a Oregon maliēga malamalama tusitusia mo le su'esu'eina o le atamai o soo se tagata pe su'esu'e ai uiga o se tagata; e le apalaiina se faiga fa'apitoa mo se maliēga pe a talosagaina se maliēga mo se tasi o ia iloiloga.

Afai e te teena le faia o se maliēga e toe iloilo ai lou alo, e mafai e le a'oga fa'aitumalō, e ui ina le mana'omia, le sa'iliina o le faia o se iloiloga e ala i se fa'aleleiga, tusi fa'aseā mo se fa'ai'uga tutusa, fonotaga mo se fa'aleleiga, poo se fa'amasinoga mo le faia o fa'ai'uga tutusa e le fa'aitu'au, e su'esu'e ai se auala e soloia ai lou teenaina o lau maliēga i le toe iloiloina o lou alo. E tusa ai ma ulua'i iloiloga, e le'i solia e lau a'oga fa'aitumalō ana tiute tau'ave i lalo o le Vaega B o le IDEA pe afai e teena se taumafaiga mo le toe faia o se iloiloga i lenei vaega.

O fa'amaumauga mo taumafaiga talafeagai mo le tuuina maia o se maliēga

E tatau i lau a'oga ona fa'amaumauina ana taumafaiga uma mo le tuuina maia o se maliēga mo ulua'i iloiloga, sauniaina o a'oa'oga fa'apitoa ma auaunaga talafeagai mo le taimi muamua, mo le toe faia o se iloiloga, ma le sa'iliina o mātua o uarota o le setete mo ulua'i iloiloga. O fa'amaumauga e tatau ona iai se fa'amatalaga o taumafaiga a le a'oga fa'aitumalō i ia vaega, e pei o:

1. Fa'amatalaga manino o telefoni poo taumafaiga sa faia ma i'uga o ia telefoni;
2. Kopi o fesoota'iga sa lafoina i mātua ma soo se tali sa maua; **ma**
3. Fa'amatalaga manino o asiasiga sa alu i le fale o mātua poo se fale faigaluega ma le i'uga o ia asiasiga.

O isi mea e mana'omia ai maliēga

O lau maliēga e le mana'omia ae le'i faia e lau a'oga fa'aitumalō:

1. Iloiloga o fa'amaumauga o loo iai o se vaega o le iloiloga a lou alo poo le toe iloiloina;
2. Se siaki a lou alo poo se iloiloga o loo faia i tamaiti uma se'i vaganā, ae le'i faia lenā siaki poo le iloiloga, e mana'omia le maliēga a mātua o tamaiti uma;

Afai sa e lesitalaina lou alo i se a'oga tuma'oti e totogiina lava e oe pe o loo e a'oa'oina lou alo i le fale, ma e le'i faia sau maliēga mo se ulua'i iloiloga o lou alo poo le toe iloiloina o lou alo, pe o lou le taliina o se talosaga mo le tuuina mai o lau maliēga, e ono lē fa'aaogaina e le a'oga fa'aitumalō se auala e soloia ai maliēga (e pei o se fa'aleleiga, se fa'amasinoga mo le faia o fa'ai'uga tutusa) ma e le mana'omia le filifiliina o lou alo o se tamaitiiti e agavaa mo le mauaina o auaunaga tutusa (auaunaga e maua e nisi o a'oga tuma'oti e iai mātua ma latou fanau e iai ma'i tumau). E le mafai foi ona teena e lau a'oga fa'aitumalō le faia o se maliēga i se auaunaga e tasi mai ia auaunaga poo se galuega fa'atino e aveia ma se fa'avae e teena ai soo se isi auaunaga, penefiti, poo gaioiga, se'i vaganā o se isi mea e mana'omia e le Vaega B e tatau ona faia e le a'oga fa'aitumalō.

Maliēga mo le Fa'aaogaina o Penefiti ma le Inisiua mo Tagata Lautele (e pei o le Medicaid)

E tatau i le a'oga fa'aitumalō ona faia ma fa'atino laasaga mana'omia ina ia mautinoa o lou teenaina o le faia o se maliēga i soo se vaega o ia auaunaga ma gaiōiga e le aafia ai le sauniaina o a'oga faia fua ma talafeagai (FAPE) mo lou alo.

E mafai ona e teenaina se maliēga i soo se taimi e ala i le logoina o le a'oga fa'aitumalō i se tusitusiga. Afai e te fa'aleaogāina lau maliēga, e tumau pea ona maua e lou alo a'oa'oga fa'apitoa ma auaunaga talafeagai e mana'omia mo le sauniaina o se FAPE.

INDEPENDENT EDUCATIONAL EVALUATIONS (IEE)

Mo le lautele

E pei ona fa'amatalaina i lalo, e iai lou aiā tatau e maua ai se Independent Educational Evaluation (IEE, ILOILOGA FA'ALEA'OA'OGA TUTO'ATASI) a lou alo pe afai e te le ioe i i'uga o le iloiloiga o lou alo lea na maua mai i lau a'oga fa'aitumalō.

Afai e te talosagaina se IEE, e tatau i le a'oga fa'aitumalō ona saunia fa'amatalaga mo oe e fa'atatau mo le vaega e te maua ai se IEE ma āiaiga a le a'oga fa'aitumalō e apalai i iloiloiga fa'alea'oa'oga tuto'atasi.

O fa'auigana

Iloiloiga fa'alea'oa'oga tuto'atasi e fa'auigaina i se iloiloiga e fa'atautaia e se tagata su'esu'e ua agavaa ma iai le tomai ma e le'o fa'afaigaluegaina e le a'oga fa'aitumalō o loo a'oga ai lou alo.

Totogi e le malō o lona uiga, a lē totogiina e le a'oga fa'aitumalō le tau atoa o le iloiloiga, e fa'amautinoa e saunia le iloiloiga mo oe e leai se totogi, e ogatasi ma aiāiga o le Vaega B o le IDEA, lea e fa'atagaina ai setete ta'itasi e fa'aaogā soo se vaega e maua mai ai fesoasoani o loo maua i le setete, o le lotoifale, mai le faigamalō fa'afeterale poo vaega tuto'atasi ina ia 'ausia ai mea e mana'omia e le Vaega B o le Tulafono.

Aiā i le iloiloiga e totogiina e le malō

E iai lou aiā tatau e maua ai se iloiloiga fa'alea'oa'oga tuto'atasi a lou alo e totogiina e le malō pe afai e te le ioe i le iloiloiga o lou alo lea na maua mai i lau a'oga fa'aitumalō, e fa'atatau i tulaga o loo mulimuli mai:

1. Afai sa e talosagaina se iloiloiga fa'alea'oa'oga tuto'atasi a lou alo e totogiina e le malō e tatau i lau a'oga fa'aitumalō ona faia e aunoa ma le fa'atuai, pe: (a) Faila se fa'aseā mo se fa'ai'uga tutusa e fa'aalia ai e talafeagai le faia o le iloiloiga o lou alo; pe (e) Saunia se iloiloiga fa'alea'oa'oga tuto'atasi a lou alo e totogiina e le malō, se'i vaganā ua fa'aalia e le a'oga fa'aitumalō i se fa'amasinoga o le iloiloiga sa e maua o lou alo e le'i fa'amalieina aiāiga a le a'oga fa'aitumalō.
2. Afai e talosaga e lau a'oga fa'aitumalō se tolaulauga ma se fa'ai'uga mulimuli e fa'apea o le iloiloiga o lou alo e le a'oga fa'aitumalō e talafeagai, e iai pea lau aiā i se iloiloiga fa'alea'oa'oga tuto'atasi, ae le totogiina e le malō.
3. Afai sa e talosagaina se iloiloiga fa'alea'oa'oga tuto'atasi a lou alo, e mafai ona fesiligia oe e le a'oga fa'aitumalō pe aiseā ua e tetee ai i i'uga o le iloiloiga o lou alo sa maua mai le a'oga fa'aitumalō. Ae peita'i, e ono le mana'omia e lau a'oga fa'aitumalō se fa'amatalaga ma e ono le fa'atuaiina le faia o se iloiloiga fa'alea'oa'oga tuto'atasi o lou alo e totogiina e le malō pe faila se fa'aseā mo se fa'ai'uga tutusa e puipuia ai le iloiloiga o lou alo sa faia e le a'oga fa'aitumalō.

E na'o le tasi le iloiloiga fa'alea'oa'oga tuto'atasi a lou alo e totogiina e le malō e te agavaa ai i taimi ta'itasi e fa'atino ai e lau a'oga fa'aitumalō se iloiloiga o lou alo lea e te le'i ioe iai.

Iloiloga e amatalia e mātua

Pe afai e te maua se iloiloga fa'alea'oa'oga tuto'atasi a lou alo e totogiina e le malō pe e te fa'asoa atu i le a'oga fa'aitumalō se iloiloga sa e faia e totogiina lava e oe:

1. E tatau i lau a'oga fa'aitumalō ona iloilo fa'ai'uga o iloiloga o lou alo, pe fa'amata e 'ausia vaega mana'omia e le a'oga fa'aitumalō mo iloiloga o a'oga tuma'oti, i soo se fa'ai'uga sa faia e fa'atatau i le sauniaina o se a'oga faia fua ma talafeagai (FAPE) i lou alo; **ma**
2. E ono folasia e lau a'oga poo oe le iloiloga o se fa'amaoniga i se fa'amasinoga mo se fa'ai'uga tutusa e uiga i lou alo.

Talosaga a fa'amasino mo iloiloga

Afai e talosagaina e se fa'amasino se iloiloga fa'alea'oa'oga tuto'atasi a lou alo e avea ma se vaega o se fa'amasinoga mo se fa'ai'uga tutusa, o le tau o le iloiloga e tatau ona totogiina e le malō.

Aiāiga a le a'oga fa'aitumalō

Afai o se iloiloga fa'alea'oa'oga tuto'atasi e totogiina e le malō, o aiāiga i lalo o le iloiloga o loo faia, e aofia ai le nofoaga e fa'atino ai le iloiloga ma le agavaa o le fai su'ega, e tatau ona tutusa ma aiāiga lea e fa'aaogā e le a'oga fa'aitumalō ina ua amataina iloiloga (i tulaga e ogatasi ai ia aiāiga ma lau āia tatau i se iloiloga fa'alea'oa'oga tuto'atasi).

Se'i vaganā o se aiāiga o loo fa'amatalaina i luga, e le tatau i le a'oga fa'aitumalō ona faia nisi tulaga poo taimi fa'atulagaina e fesoota'i ma le faia o se iloiloga fa'alea'oa'oga tuto'atasi e totogiina e le malō.

PUIPUIGA FA'ALILILO O FA'AMATALAGA

PUIPUIGA FA'ALILILO O FA'AMATALAGA FA'AUGAINA

E pei ona fa'aaogā ai i lalo o **Puipuiga Fa'alililo o Fa'amatalaga**:

- *Fa'aleaga* o lona uiga o le fa'asēsēina poo le aveesea o fa'amaumauga patino o se tagata mai fa'amatalaga fa'amaumauna ina ia le toe iai ni fa'amatalaga patino o se tagata.
- *O fa'amaumauga a le A'oga* e fa'auigaina o ituaiga o faila o fa'amatalaga e kavaina i lalo o le fa'auigana o le "fa'amaumauga a le a'oga" i le 34 CFR Vaega 99 (o faiga fa'avae e fa'atino ai le Family Educational Rights and Privacy Act (FERPA, Tulafono o Aiā Tatau Fa'alea'oa'oga a Aiga ma le Fa'alililoina o Fa'amatalaga) o le 1974, 20 U.S.C. § 1232g ma le OAR 581-015-2300.
- *Ofisa soo'upu o loo auai* e fa'auigaina o soo se a'oga fa'aitumalō, soo'upu poo se fa'alapotopotoga e aoina, teu malu, pe fa'aaogaina fa'amatalaga patino o se tagata, poo se vaega o maua mai ai fa'amatalaga, i lalo o le Vaega B o le IDEA.

FA'AMATALAGA PATINO

Fa'amatalaga patino e fa'auigaina o fa'amatalaga e aofia ai le:

- (a) Igoa o lou alo, o lou igoa o oe o le matua, poo le igoa o se isi tagata o le aiga;
- (b) Tuātusi o lou alo;
- (c) O se fa'amatalaga ma'oti, e pei o le numera o le saogalemū a lou alo, numera patino fa'alea'oga, poo le numera biometric;

- (d) O isi fa'amatalaga e le tuusa'o, e pei o le aso fanau o le tamaitiiti, nofoaga na fanau ai, ma le igoa o le tinā ae le'i fa'aipoipo;
- (e) O isi fa'amatalaga ta'itasi poo fa'amatalaga tuufa'atasia e fesoota'i pe o se sootaga i se tamaitiiti filifilia e fa'atagaina ai se tagata e talafeagai i le komiuniti a le a'oga, e le'o iai sona malamalama'aga i tulaga e alagatatau ma le fa'aילוaina o se tamaitiiti ma le mautinoa lelei; pe
- (f) O isi fa'amatalaga sa talosagaina e se tagata e talitonu le a'oga fa'aitumalō na te iloa fa'amatalaga o le tamaitiiti lea e fesoota'i iai fa'amaumauga fa'alea'oa'oga.

FA'ASILASILAGA MO MĀTUA

E tatau i le State Education Agency (SEA, Ofisa Soo'upu a A'oga i le Setete) ona tuuina atu se fa'asilasilaga au'ilili e logoina ai mātua e uiga i puipuiga fa'alilolilo o fa'amatalaga patino, e aofia ai:

1. O se fa'amatalaga o le fa'alau'itelega e tuuina atu ai le fa'asilasilaga i le gagana moni a le atunuu i ona vaega o fa'apotopotoga eseese i le setete;
2. O se fa'amatalaga o tamaiti e onaina fa'amatalaga patino, o ituaiga o fa'amatalaga o su'eina, o auala o loo fa'amoemoe le setete e fa'aaogā mo le aoina o fa'amatalaga (e aofia ai vaega o loo maua mai ai fa'amatalaga), ma le fa'aaogaina o fa'amatalaga;
3. O se aotelega o faiga fa'avae ma laasaga fa'ataatitia e tatau ona mulimulita'ia e ofisa soo'upu o loo auai e fa'atatau i vaega e teu ai fa'amatalaga, fa'asoaina i vaega lona tolu, fa'aauuina pea o lona fa'aaogaina, ma le fa'aleagaina o fa'amatalaga patino o se tagata; **ma**
4. Se fa'amatalaga o aiā tatau uma a mātua ma tamaiti e uiga i fa'amatalaga nei, e aofia ai aiā tatau i lalo o le Family Educational Rights and Privacy Act (FERPA) ma ana faiga fa'avae mo fa'atinoga i le 34 CFR Vaega 99.

Ae le'i fa'aioaina soo se gaioiga tele, sa'ilia nofoaga, poo le su'esu'eina o tamaiti e mana'omia a'oa'oga fa'apitoa ma auaunaga talafeagai (lea e iloa foi o le "su'eina o le tamaititi"), e tatau ona lolomiina le fa'asilasilaga pe fa'asalalauina i nusipepa poo isi ala fa'asalalau, poo mea uma, fa'atasi ma le fa'ataamiloina o fa'asalalaua ia lava e logoina ai mātua i le taimi atoa o nei gaioiga a le setete.

AIĀ TATAU I FA'AMATALAGA

O le ofisa soo'upu o loo auai¹ e tatau ona fa'atagaina oe e āsia ma iloilo soo se fa'amaumauga fa'alea'oa'oga sa aoina, teu malu e fesoota'i ma lou alo, pe sa fa'aaogā e le a'oga fa'aitumalō i lalo o le Vaega B o le IDEA. E tatau i le ofisa soo'upu o loo auai¹ ona mulimulita'ia lau talosaga e su'esu'e ma toe iloilo soo se fa'amaumauga fa'alea'oa'oga a lou alo ma ia 'aua ne'i iai se fa'atuai ma ia faia ae le'i faia soo se fonotaga e talanoaina ai polokalame mo a'oa'oga ta'ito'atasi (IEP), poo soo se fa'amasinoga mo fa'ai'uga tutusa e le fa'aitu'au (e aofia ai se fonotaga mo se fa'aleleiga poo se fa'amasinoga mo le fa'atonutonuina o amio le pulea), ma e leai se fa'amasinoga e faia i le silia ma le 45 aso fa'alekalena talu ona mae'a ona faia lau talosaga.

O lau aiā tatau e āsia ai ma toe iloilo fa'amaumauga fa'alea'oa'oga e aofia ai:

1. O lau aiā tatau i se tali mai a le ofisa soo'upu fa'aitmalō o loo auai i lau talosaga talafeagai mo ni fa'amatalaga ma le fa'auigana o fa'amaumauga;
2. O lau aiā tatau e talosaga ai le ofisa soo'upu o loo auai e tuuina mai kopi o fa'amaumauga pe afai e le mafai ona e āsia ma iloilo fa'amaumauga se'i vaganā ua e mauaina kopi ia; **ma**
3. O lau aiā tatau e faia ai e se tagata e te tofia le āsia ma le toe iloiloina o fa'amaumauga.

¹ E fa'aaogaina e le U.S. Department of Education le fa'aupuga "ofisa soo'upu o loo auai" e fa'auiga ai soo se a'oga fa'aitumalō, soo'upu poo se fa'alapotopotoga e aoina, teu malu, pe fa'aaogaina fa'amatalaga patino o se tagata, poo se vaega o maua mai ai fa'amatalaga, i lalo o le Vaega B o le IDEA. Ona o lenei tusi o loo taula'i i le auai o mātua i se a'oga fa'aitumalō i le lotoifale, "a'oga fa'aitumalō" ua fa'aaogaina nai lo le upu lautele o le, "ofisa soo'upu o loo auai;" ae peita'i, o tulafono o fa'amaumauga sa talanoaina i lenei vaega e apalai i ofisa soo'upu uma o loo auai.

E iai le manatu o le ofisa soo'upu o loo auai e ia te oe le pule e āsia ai ma iloilo fa'amaumauga e fesoota'i ma lou alo se'i vaganā sa fautuaina oe e leai se pule o ia te oe i lalo o tulafono talafeagai a le setete o loo pulea ai ia matā'upu o se ta'ita'iga, fa'a'eseaa, ma tete'aga.

FA'AMAUMAUGA O AVANOA E MAUA

E tatau i ofisa soo'upu ta'itasi ona teuina se fa'amaumauga o vaega ta'itasi o loo maua avanoa i fa'amaumauga fa'alea'oa'oga sa aoina, teu malu pe sa fa'aaogaina i lalo o le Vaega B o le IDEA (se'i vaganā o avanoa e maua e mātua ma tagata faigaluega fa'atagaina o le ofisa soo'upu o loo auai), e aofia ai le igoa o le vaega, o le aso na maua ai le avanoa, ma le mafua'aga na fa'atagaina ai se vaega e fa'aaoga fa'amaumauga.

FA'AMAUMAUGA O LE SILI ATU MA LE TASI LE TAMAITITI

Afai o soo se fa'amaumauga fa'alea'oa'oga e aofia ai fa'amatalaga o le tele o tamaiti, e iai aiā tatau a mātua a ia tamaiti e āsia ai ma iloilo na'o fa'amatalaga e fesoota'i ma a latou fanau poo le logoina mo ia fa'amatalaga ma'oti.

LISI O NOFOAGA MA ITUAIGA O FA'AMATALAGA

I luga o se talosaga, e tatau i le ofisa soo'upu o loo auai ona saunia se lisi ia te oe o nofoaga ma ituaiga o fa'amaumauga fa'alea'oa'oga sa aoina, teu malu, pe sa fa'aaogaina e le lālā soo'upu.

TUPE TOTOGI

E ono totogiina e ofisa soo'upu ta'itasi o loo auai se tupe totogi mo kopi o fa'amaumauga sa saunia mo oe i lalo o le Vaega B o le IDEA, afai o le tupe totogi e le'o aogā tele i le puipuia o oe mai le fa'atinoga o lou aiā tatau e āsia ai ma iloilo ia fa'amaumauga.

E le mafai e le ofisa soo'upu o loo auai ona totogiina se tupe mo le su'eina poo le aumaia o fa'amatalaga i lalo o le Vaega B o le IDEA.

SUIGA O FA'AMAUMAUGA I LE TALOSAGA A MĀTUA

Afai e te talitonu o fa'amatalaga o loo i fa'amaumauga fa'alea'oa'oga sa aoina e fa'atatau i lou alo, teu malu, pe sa fa'aaogā i lalo o le Vaega B o le IDEA e le'o sa'o, e tautua'asēsē, pe o le solia o āiaiga o le fa'aliloliloina o fa'amatalaga poo isi aiā tatau a lou alo, e mafai ona e talosaga i le ofisa soo'upu o loo teuina fa'amatalaga ina ia suiina ia fa'amatalaga.

E tatau i le ofisa soo'upu o loo auai ona filifili pe sui fa'amatalaga e tusa ai ma lau talosaga i totonu o se piliota talafeagai e maua ai lau talosaga.

Afai e filifili le ofisa soo'upu e le sua fa'amaumauga e tusa ai ma le talosaga, e tatau ona logoina oe i le filifiliga ma fautuaina oe i lou aiā tatau mo se fa'amasinoga e pei ona fa'amatalaina i lalo o le ulutala **Avanoa mo se Fa'amasinoga**.

AVANOA MO SE FA'AMASINOVA

E tatau i le ofisa soo'upu o loo auai, i luga o le talosaga, ona saunia se avanoa mo oe i se fa'amasinoga e lu'i ai fa'amatalaga o loo i fa'amaumauga fa'alea'oa'oga a lou alo i luga o tulaga le sa'o, taufa'asēsē pe o le solia o āiaiga o le fa'aliloliloina o fa'amatalaga poo isi aiā tatau a lou alo.

LAASAGA FA'ATAATITIA O FA'AMASINOVA

O se fa'amasinoga e lu'iina ai fa'amatalaga i fa'amaumauga a le a'oga e tatau ona fa'afueina e tusa ai ma laasaga o ia ituiga o fa'amasinoga i lalo o le Family Educational Rights and Privacy Act (FERPA).

I'UGA O FA'AMASINOVA

Afai o se fa'ai'uga o le fa'amasinoga, e filifilia e le ofisa soo'upu o loo auai le lē sa'o o fa'amatalaga, tau fa'asēsē pe o le solia o āiaiga o le fa'aliloliloina o fa'amatalaga poo isi aiā tatau a lou alo, e tatau ona suia fa'amatalaga e tusa ai ma le talosaga ma logoina oe e ala i se tusi.

Afai o se fa'ai'uga o le fa'amasinoga, e filifilia e le ofisa soo'upu o loo auai le lē sa'o o fa'amatalaga, tau fa'asēsē pe o le solia o āiaiga o le fa'aliloliloina o fa'amatalaga poo isi aiā tatau a lou alo, e tatau ona logoina oe i lau aiā tatau ina ia tuuina i fa'amaumauga ina ia teuina ai i fa'amaumauga a lou alo se faitioga i fa'amatalaga poo le sauniaina o ni mafua'aga e te le ioe ai i le fa'ai'uga a le ofisa soo'upu.

O lea fa'amatalaga sa tuuina i fa'amaumauga a lou alo e tatau ona:

1. E teu maluina e le ofisa soo'upu o loo auai o se vaega o fa'amaumauga o lou alo se'i vaganā o fa'amaumauga poo le vaega finauina o loo teu maluina e le ofisa soo'upu o loo auai; **ma**
2. Afai e fa'ailoaina e le ofisa soo'upu o loo auai fa'amaumauga o lou alo poo fa'amatalaga sa lu'iina i soo se vaega, e tatau foi ona fa'ailoaina i lenā vaega le fa'amatalaina.

MALIĒGA MO LE FA'AILOAINA O FA'AMATALAGA PATINO A LE TAGATA

Se'i vaganā o fa'amatalaga o loo fa'amauina i fa'amaumauga a le a'oga, ma o loo fa'atagaina le fa'asoa atu e aunoa ma se maliēga a mātua i lalo o le Family Educational Rights and Privacy Act (FERPA), e tatau ona faia lau maliēga ae le'i fa'asoaina atu ou fa'amatalaga patino i isi vaega e 'ese mai tagata ofisa o ofisa soo'upu o loo auai. Se'i vaganā o tulaga o loo fa'amatalaina i lalo, e le mana'omia ai lau maliēga ae le'i fa'amatuuina atu fa'amatalaga i tagata ofisa o ofisa soo'upu o loo auai mo le fa'amalieina o se aiāiga o le Vaega B o le IDEA.

O lau maliēga, poo le maliēga a se tamaitiiti e agavaa ua 'ausia tausaga fa'atagata matua i lalo o le tulafono a le setete, e tatau ona maua ae le'i fa'amatuuina atu fa'amatalaga i tagata faigaluega o le ofisa soo'upu o loo auai ma saunia pe tologiina auaunaga mo fesuia'iga.

Afai o i totonu lou alo, pe o le a alu i se a'oga tuma'oti e le'o tutū fa'atasi ma le a'oga fa'aitumalō i le vaega o loo lua nonofo ai i, e tatau ona maua mai lau maliēga ae le'i fa'amatuuina atu soo se fa'amatalaga e fa'atatau i lou alo i tagata ofisa i totonu o le a'oga fa'aitumalō lea e iai le a'oga tuto'atasi ma tagata ofisa i le a'oga fa'aitumalō i le vaega o lua nonofo ai.

PUIPUIGA

E tatau i ofisa soo'upu uma o loo auai ona puipuia fa'alilolilo fa'amaumauga patino o tagata i taimi e aoina ai, teu, fa'asoa atu, ma tulaga e puipuia mai ai i le fa'aleagaina.

E tatau i tagata ta'itasi mai ofisa o ofisa soo'upu ona manatu i matāfaioi mo le fa'amautinoaina o le puipuiga fa'alilolilo o soo se fa'amatalaga patino o tagata.

O tagata uma o loo aoina pe fa'aaogaina fa'amatalaga patino e tatau ona faia ni a'oa'oga pe mauaina fa'atonuga e uiga i ta'iala fa'avae a le setete ma laasaga e fa'atatau i puipuiga fa'alilolilo o fa'amatalaga i lalo o le Vaega B o le IDEA ma le Family Educational Rights and Privacy Act (FERPA).

O ofisa soo'upu ta'itasi o loo auai e tatau ona teu maluina fa'amatalaga mo asiasiga a tagata lautele, o se lisi o loo iai nei o igoa ma tulaga o ia tagata faigaluega i totonu o lālā soo'upu e ono iai avanoa e maua ai fa'amatalaga patino o se tagata pe a mana'omia.

FA'ALEAGAINA O FA'AMAUMAUGA

E tatau ona logoina oe e lau a'oga fa'aitumalō ina ua uma ona aoina fa'amatalaga, teu maluina, pe sa fa'aaogā i lalo le Vaega B o le IDEA ua le toe mana'omia e saunia ai auaunaga fa'alea'oa'oga i lou alo.

E tatau ona fa'aleagaina fa'amatalaga i luga o lau talosaga. Peita'i, o se fa'amaumauga tumau o le igoa o lou alo, tuātusi, ma le numera telefoni, o a latou tulaga i le a'oga, fa'amaumauga o le ō i le a'oga, o vasega sa iai, o vasega ua uma, ma le tausaga na i'u ai e mafai ona teu maluina e aunoa ma se taimi fa'atapulaaina. O oe e iai lau aiā tatau e te talanoa ai i le a'oga e fa'aleagaina fa'amaumauga fa'alea'oa'oga a lou alo pe a le toe mana'omia.

FA'ALELEIINA O MASEIGA

FA'ALELEIGA

Mo le lautele

O fa'aleleiga e maua e ala i le ODE e fa'atagaina ai oe ma le a'oga fa'aitumalō e fo'ia feteena'iga e aofia ai ni matā'upu i lalo o le Vaega B o le IDEA, e iai matā'upu sa alia'e ae le'i failaina se fa'aseā mo se fa'ai'uga tutusa. O le mea lea, e iai fa'aleleiga mo le fo'iaina o fe'ese'esea'iga i lalo o le Vaega B o le IDEA, tusa pe ete le'i failaina se fa'aseā mo se fa'ai'uga tutusa e talosagaina ai se fa'amasinoga i lalo o le ulutala **Failaina o se Fa'aseā mo se Fa'ai'uga Tutusa** pe faila se fa'aseā mo se a'oa'oga fa'apitoo

Mea e mana'omia

O laasaga fa'ataatitia e tatau ona mautinoa ai o le faia o fa'aleleiga:

1. O se gaioiga fa'avolenitia i lau pitolaau fa'apea ma le itū a le a'oga fa'aitumalō;
2. E ono le mafai ona fa'aaogā e teena ai pe fa'atuai ai lau aiā tatau i se fa'amasinoga mo se fa'ai'uga tutusa, pe teena ai nisi aiā tatau e tuuina mai i lalo o le Vaega B o le IDEA; **ma**
3. E fa'atautaia e se tagata e iai le tomai fa'apitoo ma fa'amaoni ua uma ona toleniina i auala e vave ona fo'ia ai fa'afitauli mo le faia o fa'aleleiga.

E tatau i le setete ona teuina se lise o tagata e agavaa mo le fa'aleleiina o feteena'iga ma malamalama i tulafono ma ta'iala e fesoota'i ma le sauniaina o a'oa'oga fa'apitoa ma auaunaga talafeagai. E tatau i le setete ona filifilia soo se tagata mo le fa'aleleiga o maseiga, feauaua'i, pe faia i luga o isi tulaga fa'amaoni.

O le a nafa le setete ma le totogiina o le faia o fa'aleleiga, e aofia ai le tau o fonotaga.

O fono ta'itasi i le faia o fa'aleleiga e tatau ona fa'atulagaina lelei i taimi fuafuaina ma fa'atinoina i se nofoaga e talafeagai lelei ma oe ma le a'oga fa'aitumalō.

Afai ua fo'iaina se fa'afitauli i le va o oe ma le a'oga fa'aitumalō e ala i le faia o se fa'aleleiga, e tatau ia te oe ma le a'oga fa'aitumalō ona fa'amauina se lua maliēga fa'aletulafono e tuuina ai auala sa uia ma:

1. Fa'ailoa ai, o fa'atalatalanoaga uma i le taimi sa faia ai le fa'aleleiga o le a teuina malu ma e le mafai ona fa'aaogaina o ni fa'amaoniga i soo se matā'upu tulituliloaina i se fa'amasinoga mo le faia o fa'ai'uga tutusa poo le fa'agasologa o se tolaulauga (matā'upu fa'aletulafono); **ma**
2. E sainiina uma e oe ma le sui o le a'oga fa'aitumalō e iai le pule e tuufa'atasia ai le a'oga fa'aitumalō.

O se maliēga mo se fa'aleleiga sa tusia pe sainiina, e mafai ona fa'amalosia i fale fa'amasino i soo se setete, e iai le pule i matā'upu eseese tau fa'amasinoga (o se fale fa'amasino e iai le pule i lalo o le tulafono a le setete e fa'alogo ai i ia ituaiga matā'upu) pe o totonu o se fa'amasinoga fa'aitumalō i le lunaite Setete.

O fa'atalatalanoaga i le taimi o faia fa'aleleiga e tatau ona teuina malu. E le mafai ona latou fa'aaogaina o se fa'amaoniga i soo se fa'amasinoga mo se fa'ai'uga tutusa i le lumana'i poo le fa'agasologa o se tolaulauga i soo se fa'amasinoga fa'afeterale poo matā'upu fa'aletulafono a se setete o loo mauaina fesoasoani i lalo o le Vaega B o le IDEA.

Fa'amaoni o le tagata e faia le fa'aleleiga

O le tagata e faia fa'aleleiga:

1. E le'o se tagata faigaluega o le SEA poo le a'oga fa'aitumalō o loo iai i a'oa'oga poo le tausaiaina o lou alo; **ma**
2. E le tatau ona fa'auō ma fa'aitu'au e feteena'i ai ma fa'amoemoega o tagata e faia fa'amoemoega.

O se tagata e agavaa e ave ma tagata e faia fa'aleleiga e le'o se tagata faigaluega o se a'oga fa'aitumalō poo se tagata soo'upu o le setete ona o loo totogiina e le lālā soo'upu e galue o se tagata e faia fa'aleleiga.

LAASAGA FA'ATAATITIA O FA'ASEĀ A LE SETETE

ESESEGA I LE VA O LAASAGA FA'ATAATITIA O FA'ASEĀ MO FA'AI'UGA TUTUSA MA FA'AMASINO MA FA'ASEĀ A LE SETETE

O ta'iala fa'atonutonu mo le Vaega B o le IDEA o loo tuuina mai ai laasaga fa'ataatitia mo fa'aseā a le setete ma fa'aseā mo fa'ai'uga tutusa ma fa'amasinoga. E pei ona fa'amatalaina i lalo, o soo se tagata poo fa'apotopotoga e mafai ona failaina se fa'aseā a le setete e tuua'ia ai le sōlia o soo se tulaga mana'omia o le Vaega B e se a'oga fa'aitumalō, o le SEA, poo soo se isi lālā soo'upu a le malō. E na'o oe poo se a'oga fa'aitumalō e mafai ona failaina se fa'aseā mo se fa'amasinoga i se fa'ai'uga tutusa i soo se matā'upu e fesoota'i ma se talosaga poo le teenaina o le amata faia pe sui fa'amatalaga patino, iloiloga, poo le tuuina o se tamaitiiti e iai ma'i tumau i se nofoaga fa'alea'oa'oga, poo le sauniaina o se a'oga faia fua ma talafeagai (FAPE) i le tamaitiiti.

A'o galulue masani ai le aufaigaluega a le SEA i le fo'iaina o se fa'aseā a le setete i totonu o le taimi fa'atulagaina o le 60 aso fa'akalena, se'i vaganā ua fa'alauteleina aloa'ia le taimi, o se fa'amasino fa'amaoni (e ta'ua o le administrative law judge (ALJ, Loia Fa'amasino Sili)) e tatau ona fa'alogo i se fa'aseā mo se fa'ai'uga tutusa (afai e le fo'iaina e ala i se fonotaga mo se fa'aleleiga pe ala i le fa'aleleiga) ma tuuina atu ai se fa'ai'uga tusitusia i totonu o le 45 aso fa'akalena ina ua mae'a le piliota o galuega fa'alelei, e pei ona fa'amatalaina i lenei tusi i lalo o le ulutala Galuega Fa'aleleia, se'i vagana ua fa'atagaina e le fa'amasino se fa'alau'itelega fa'apitoa o le taimi fa'atulagaina ona o lau talosaga poo le talosaga a le a'oga fa'aitumalō.

O le fa'aseā mai le malō ma le fa'aseā mo se fa'ai'uga tutusa, fa'aleleiga ma le fa'agasologa o fa'amasinoga o loo fa'amatalaina auiliili i lalo. E tatau i le SEA ona faia ni pepa fa'atumu fa'ata'ita'i e fesoasoani ai ia te oe i le failaina o se fa'aseā mo se fa'ai'uga tutusa ma fesoasoani ia te oe poo isi vaega e faila se fa'aseā a le setete i lalo o le ulutala ***Pepa fa'atumu Fa'ata'ita'i***.

FA'AAOGAINA O LAASAGA FA'ATAATITIA O FA'ASEĀ A LE SETETE

Mo le lautele

O SEA ta'itasi e tatau ona ia ni laasaga fa'ataatitia ua uma ona tusia:

1. E foia ai soo se fa'aseā e fa'atatau i a'oa'oga fa'apitoa, e aofia ai se fa'aseā sa failaina e se fa'apotopotoga poo se tagata mai i se isi setete; ma
2. O le failaina o se fa'aseā i le SEA.
3. Fa'ailoa fa'alau'iteleina o laasaga fa'ataatitia mo fa'aseā a le setete i mātua ma isi tagata ta'ito'atasi e fiafia iai, e aofia ai le toleniina o mātua ma ofisa 'autū mo fa'amatalaga, puipuiga ma ofisa lagolago, ofisa 'autu mo i latou e ola tuto'atasi, ma isi fa'apotopotoga talafeagai.

Auala e fo'ia ai le teenaina o auaunaga talafeagai

I le faia ai o se fa'ai'uga i se fa'aseā a le setete lea na maua ai e le SEA se vaega fa'aletonu i le leai o ni auaunaga talafeagai o sauniaina, e tatau i le SEA ona fa'ailoa:

1. O le lē mafai ona saunia o auaunaga talafeagai, e aofia ai gaoiga fa'asa'osa'o e talafeagai ma le fa'ailoaina o mana'oga o se tamaitiiti (e pei o le toe totogiina o auaunaga poo le toe totogiina o tupe); **ma**
2. Sauniaina o auaunaga talafeagai i le lumana'i mo tamaiti uma e iai ma'i tumau.

Taimi fa'atapulaa; aofa'iga maualalo o laasaga fa'ataatitia

E tatau i SEA ta'itasi ona iai i totonu o a latou laasaga fa'ataatitia mo fa'aseā a ana setete se taimi fa'atapulaa i le 60 aso fa'alekalena ina ua mae'a ona failaina se fa'aseā i le:

1. Faia o se su'esu'ega tuto'atasi i le vaega e taula'i iai le fa'aseā, pe afai e manatu le SEA e alagatau le faia o se su'esu'ega;
2. Ave i le tagata fa'aseā le avanoa e tuuina mai ai fa'amatalaga fa'aopoopo, pe talanoa poo le tusi mai, e fa'atatau i tuua'iga o loo i le fa'aseā.
3. Tuuina i le a'oga fa'aitumalō poo isi lālā soo'upu a le malō o avanoa e tali ai i le fa'aseā, e aofia ai, i se itū maualalo: (a) i filifiliga a le lālā soo'upu, o se fuafuaga e fo'ia ai le fa'aseā; **ma** (e) o se avanoa mo se matua sa failaina se fa'aseā ma le lālā soo'upu e malilie ai fa'avolenitia e auai i fa'aleleiga;
4. Toe iloilo uma fa'amatalaga talafeagai ma faia se filifiliga tuto'atasi pe o solia e le a'oga fa'aitumalō poo isi lālā soo'upu a le malō se vaega o mea mana'omia o le Vaega B o le IDEA; **ma le**
5. Fa'amatuu atu o se fa'ai'uga tusitusia i le tagata o loo fa'aseā e fa'ailoa ai tuua'iga o loo i le fa'aseā ma (a) i'uga o fa'amatalaga moni na maua ma fa'aiuga; **ma** (e) mafua'aga o fa'ai'uga mulimuli a le SEA.

Fa'alautelega o le taimi; fa'ai'uga mulimuli; fa'atinoga

O laasaga fa'ataatitia a le State Educational Agency o loo fa'amatalaina i luga e tatau foi ona:

1. Fa'atagaina na'o se fa'alaua'itelega o le taimi fa'atapulaa o le 60 aso fa'alekalena pe afai: (a) e iai tulaga e 'ese mai ma tulaga masani e uiga i se fa'aseā e patino i le setete; **pe** (e) o oe ma le a'oga fa'aitumalō poo isi lālā soo'upu a le malō o loo outou auai fa'avolenitia ua outou malilie e fa'alaua'itele le taimi e fo'ia ai matā'upu e ala i fa'aleleiga poo auala o fa'aleleiga fa'alotoifale.
2. E aofia ai laasaga fa'ataatitia mo fa'atinoga lelei o fa'ai'uga mulimuli a le SEA, pe afai e mana'omia, e iai: (a) e fa'atino galuega fesoasoani; (e) fa'atalatalanoaga; **ma** (i) gaioiga sa'o e maua ai tali lelei.

Fa'aseā a le setete ma fa'amasinoga mo fa'ai'uga tutusa

Afai e mauaina se tusi fa'aseā a le setete o se matā'upu o loo faia ai foi se fa'amasinoga mo se fa'ai'uga tutusa e tusa ai ma le fa'amatalaina i lalo o le ulutala **Failaina o se Fa'aseā mo Fa'ai'uga Tutusa**, pe o le fa'aseā a le setete e tele fa'afitauli o loo tusia ai ma o se tasi poo le tele o ia fa'afitauli o se vaega o se fa'amasinoga, e tatau i le setete ona fa'ataatia 'ese soo se vaega o le fa'aseā ua uma ona fa'ailoa i le fa'amasinoga mo fa'ai'uga tutusa se'ia oo ina mae'a le fa'amasinoga. Soo se fa'afitauli o loo i le fa'aseā a le setete e le'o iai se vaega i le fa'amasinoga mo fa'ai'uga tutusa e tatau ona fo'iaina e fa'aaogā ai laasaga fa'ataatitia ma taimi fa'atapulaa o loo fa'amatalaina i luga.

Pe afai o se fa'afitauli i le fa'aseā a le setete sa faia iai se fa'ai'uga i le taimi ua mavae i se fa'amasinoga mo se fa'ai'uga tutusa e aofia ai vaega lava ia (mo le fa'ata'ita'iga, o oe ma le a'oga fa'aitumalō), ona faia lea o se fa'amasinoga mo se fa'ai'uga tutusa e fesoota'i ma lenā fa'afitauli ma e tatau i le SEA ona logoina le tagata sa fa'aseā i le tuufa'atasia o fa'ai'uga.

O se fa'aseā e tuua'ia ai se a'oga fa'aitumalō poo isi lālā soo'upu a le malō i le lē fa'atinoina o se fa'ai'uga mai le fa'amasinoga mo fa'ai'uga tutusa e tatau ona soāaupuleina e le SEA.

FAILAINA O SE FA'ASEĀ A LE SETETE

E mafai e se fa'alapotopotoga poo se tagata e to'atasi ona failaina se tusi fa'aseā a le setete ua uma ona sainiina i lalo o laasaga fa'ataatitia e pei ona fa'amatalaina i luga.

O le fa'aseā a le setete e tatau ona iai:

1. Se fa'amatalaga ua solia e se a'oga fa'aitumalō poo isi lālā soo'upu a le malō se tulaga mana'omia o le Vaega B i lalo o le IDEA poo le fa'atinoga o ana tulafono ta'iala i le 34 CFR Vaega 300;
2. Fa'amatalaga moni o loo fa'avae ai le fa'amatalaga;
3. Le saini ma fa'amatalaga mo fesoota'iga a le itū na failaina le fa'aseā; ma
4. Fa'amatalaga pe afai o tuua'iga mo solitulafono e fa'apitoa se tamaitiiti e taula'i iai:
 - (a) O le igoa o le tamaitiiti ma le tuātusi o le fale o le tamaitiiti;
 - (b) O le igoa o le a'oga o loo a'oga ai le tamaitiiti;
 - (c) I tulaga o se tamaitiiti poo se tagata talavou ua leai se aiga, o fa'amatalaga mo fesoota'iga o loo maua mo le tamaitiiti, ma le igoa o le a'oga o loo a'oga ai;
 - (d) O se fa'amatalaga i le natura o fa'afitauli o le tamaitiiti, e aofia ai fa'amatalaga moni e fa'atatau i le fa'afitauli; **ma**
 - (e) Se fōfō o fuafuaina o le fa'afitauli i tulaga e malamalama ai ma mafai ona maua e le itū na fa'auluina le fa'aseā i le taimi sa fa'aulu ai.

O le fa'aseā e tatau ona tuua'ia ai se solitulafono sa tupu i le lē silia ma le tausaga a'o le'i oo i le aso na maua ai le fa'aseā e pei ona fa'amatalaina i lalo o le ulutala ***Fa'aaogaina o Laasaga Fa'ataatitia o Fa'aseā a le Setete***

O le vaega e failaina le fa'aseā a le setete e tatau ona lafoina se kopi o le fa'aseā i le a'oga fa'aitumalō poo isi lālā soo'upu a le malō o loo tausia le tamaitiiti i le taimi e tasi e failaina ai e se vaega le fa'aseā i le SEA.

LAASAGA FA'ATAATITIA O FA'ASEĀ MO FA'AI'UGA TUTUSA

FAILAINA O SE FA'ASEĀ MO FA'AI'UGA TUTUSA

Mo le lautele

E mafai e oe poo le a'oga fa'aitumalō ona talosagaina se fa'amasinoga mo se fa'ai'uga tutusa i soo se matā'upu e fesoota'i ma se talosaga poo le teenaina o le amata faia pe sui fa'amatalaga patino, iloiloga, poo le tuuina o se tamaitiiti e iai ma'i tumau i se nofoaga fa'alea'oa'oga, poo le sauniaina o se a'oga faia fua ma talafeagai (FAPE) i le tamaitiiti.

O le fa'aseā mo fa'ai'uga tutusa e tatau ona fa'ailoa ai se solitulafono sa tupu i le lē silia ma le lua tausaga ae e te le'i iloa pe iloa e le a'oga fa'aitumalō pe sa tatau ona e iloa tuua'iga lea e fa'avae ai fa'aseā mo se fa'ai'uga tutusa.

E le fa'aaogaina le taimi fa'atulagaina o loo i luga ia te oe pe afai e le mafai ona e failaina se talosaga mo se fa'amasinoga i se fa'ai'uga tutusa i totonu o le taimi fa'atulagaina ona:

1. Ua fa'auigasēsēina e le a'oga fa'aitumalō fa'apea ua mae'a ona fo'ia fa'afitauli sa ta'ua i le fa'aseā; **pe**
2. Ua taofia e le a'oga fa'aitumalō fa'amatalaga mai ia te oe sa mana'omia e tuuina ai oe i lalo o le Vaega B o le IDEA.

Fa'amatalaga mo mātua

O le a logoina atu oe e le ODE i soo se auaunaga fa'aletulafono e faia fua pe taugofie fa'apea ma isi auaunaga talafeagai o loo maua i le nofoaga o e iai pe afai e te talosagaina fa'amaumauga. E tatau i le a'oga fa'aitumalō ona tuuina mai ia fa'amatalaga pe afai e te talosagaina pe ua e fa'auluina pe faila e le a'oga fa'aitumalō se fa'aseā mo se fa'ai'uga tutusa.

FA'ASEĀ MO FA'AI'UGA TUTUSA

Mo le lautele

Mo le talosagaina o se fa'amasinoga, e tatau ia te oe poo le a'oga fa'aitumalō (poo lau loia poo le loia a le a'oga fa'aitumalō) ona tuuina mai se talosaga i le isi vaega mo se fa'amasinoga mo fa'ai'uga tutusa. O le talosaga o se fa'amasinoga e tatau ona iai uma mea o loo lisiina i lalo ma e tatau ona malu puipua le fa'aliloliloina o fa'amatalaga.

O ai lava e failaina le fa'aseā e tatau foi ona tuuina atu i le SEA se kopi o le talosaga mo le fa'amasinoga.

'Anotusi o le talosaga mo le fa'amasinoga

E tatau ona iai i le talosaga mo le fa'amasinoga mo fa'ai'uga tutusa le:

1. Igoa o le tamaitiiti;
2. Tuātusi o le fale o le tamaitiiti;
3. Igoa o le a'oga o loo a'oga ai le tamaitiiti;
4. Afai e leai se aiga o le tamaitiiti, fa'amatalaga mo fesoota'iga o le tamaitiiti ma le igoa o le a'oga o loo a'oga ai le tamaitiiti;
5. O se fa'amatalaga i le natura o fa'afitauli o le tamaitiiti e fesoota'i ma gaiogai fuafuaina pe teenaina, e aofia ai fa'amatalaga moni e fa'atatau i le fa'afitauli; **ma**

6. Se fōfō o fuafuaina o le fa'afitauli i tulaga e malamalama ai ma mafai ona maua e le itū o loo fa'aseā (o oe poo le a'oga fa'aitumalō) i le taimi lava lea.

E ono leai se fa'amasinoga mo fa'ai'uga tutusa e pei ona talosagaina e oe poo le a'oga fa'aitumalō se'i vaganā ua failaina e oe poo le a'oga fa'aitumalō (poo lau loa poo le loa a le a'oga fa'aitumalō) se talosaga mo se fa'amasinoga mo fa'ai'uga tutusa e aofia ai fa'amatalaga o loo lisiina i luga.

Lava tapena o fa'amatalaga mo talosaga o fa'amasinoga

Mo le fa'auuaina o se talosaga o se fa'amasinoga mo fa'ai'uga tutusa, e tataua ona iloa ua ato'atoa mea uma. O le talosaga mo se fa'amasinoga e fa'atulagaina ua ato'atoa (ua ato'atoa mea mana'omia o loo lisiina i luga) se'i vaganā o le vaega sa mauaina le talosaga mo se fa'amasinoga (o oe poo le a'oga fa'aitumalō) e logoina le fa'amasino ma le isi vaega i se tusi i totonu o le 15 aso fa'alekalena talu ona maua le fa'aseā, lea e talitonu le vaega sa mauaina e le'o fa'amalieina e le talosaga mo se fa'amasinoga mea e mana'omia o loo lisiina i luga.

I le maua ai o le fa'asilasilaga i totonu o le lima aso fa'alekalena lea e manatu le itū sa mauaina (o oe poo le a'oga fa'aitumalō) o se fa'aseā mo se fa'ai'uga tutusa e le'o lava fa'amatalaga, e tataua ona filifili le fa'amasino pe'o 'ausia e le fa'aseā vaega mana'omia o loo lisiina i luga, ma logoina vave oe ma le a'oga fa'aitumalō e ala i se tusi.

Fesuia'iga o le talosaga mo se fa'amasinoga

E mafai ona fai e oe poo le a'oga fa'aitumalō suiga i le talosaga mo se fa'amasinoga i na'o tulaga pe afai:

1. Ua talia e le isi vaega suiga e ala i se tusi ma ua tuuina iai le avanoa e fa'atino ai le fa'aleleia o se talosaga i se fa'amasinoga mo se fa'ai'uga tutusa e ala i se fonotaga mo se fa'aleleiga, o loo fa'amatalaina i lalo o le ulutala ***Galuega Fa'aleleia; pe***
2. I le lē sili atu ma le lima aso ae le'i amataina le fa'amasinoga mo se fa'ai'uga tutusa, e fa'atagaina e le fa'amasino le faia o suiga.

Afai o le vaega fa'aseā (o oe poo le a'oga fa'aitumalō) ua faia suiga i le talosaga mo se fa'amasinoga i se fa'ai'uga tutusa, o taimi fa'atulagaina e faia ai se fonotaga mo se fa'aleleiga (totonu o le 15 aso fa'alekalena i le maua ai o le talosaga mo se fa'amasinoga) ma le taimi mo se fa'aleleiga (totonu o le 30 aso fa'alekalena i le maua ai o le talosaga mo se fa'amasinoga) e toe amata i le aso na failaina ai suiga sa faia o le fa'aseā.

Tali atu a le a'oga fa'aitumalō i se fa'aseā mo fa'ai'uga tutusa

Afai e le'i lafoina atu e le a'oga fa'aitumalō ia te oe se tusi na tūsia muamua, e pei ona fa'amatalaina i lalo o le ulutala ***Tusi Taulogologo Muamua***, e uiga i le matā'upu o loo i lau fa'aseā mo se fa'ai'uga tutusa, e tataua i le a'oga fa'aitumalō i totonu o le 10 aso fa'alekalena talu ona maua le talosaga mo se fa'amasinoga mo fa'ai'uga tutusa ona lafo atu se tali e aofia ai:

1. Se fa'amatalaga pe aiseā ua fuafuaina ai e le a'oga fa'aitumalō pe teena le fa'atinoga o loo aumau i le fa'aseā mo se fa'ai'uga tutusa;
2. Se fa'amatalaga o isi filifiliga e manatu iai le Vaega o le polokalame mo a'oa'oga ta'ito'atasi (IEP) a lou alo ma mafua'aga sa teenaina ai ia filifiliga;
3. Se fa'amatalaga o le fa'agaioiina o iloiloga ta'itasi, su'esu'ega, fa'amaumauga, poo lipoti sa fa'aaogaina e le a'oga fa'aitumalō o se fa'avae e fa'ata'oto ai ana fuafuaga poo le teenaina o fa'atinoga; **ma**
4. Se fa'amatalaga o nisi mea e talafeagai ma le fuafuaga a le a'oga fa'aitumalō poo le teenaina o fa'atinoga.

Sauniaina o fa'amatalaga i aitema 1-4 o loo i luga e le taofia ai le a'oga fa'aitumalō mai le fa'ailoa atu e le'o lava tapena lau talosaga mo se fa'amasinoga mo fa'ai'uga tutusa.

O tali a isi vaega i se fa'aseā mo fa'ai'uga tutusa

Se'i vaganā o loo fa'ailoa mai i le isi tama'i ulutala o i luga, **Tali atu a le a'oga fa'aitumalō i se fa'aseā mo fa'ai'uga tutusa**, o le vaega e mauaina se fa'aseā mo se fa'amasinoga tutusa e tatau, i totonu o le 10 aso fa'alekalena talu ona maua le talosaga mo se fa'amasinoga ona lafo i le isi vaega se tali o loo fa'ailoa fa'apitoa ai fa'afitauli i le talosaga mo se fa'amasinoga.

PEPA FA'ATUMU FA'ATA'ITA'I

E tatau i le SEA ona faia ni pepa fa'ata'ita'i e fa'atumu e fesoasoani ai ia te oe i le talosaga mo se fa'amasinoga mo se fa'ai'uga tutusa ma fesoasoani ia te oe poo isi vaega e faila se fa'aseā a le setete. Ae peita'i, o lau setete poo le a'oga fa'aitumalō e ono le mana'omia le fa'aaogaina o nei pepa fa'atumu fa'ata'ita'i. O le mea moni, e mafai ona e fa'aaogaina pepa fa'atumu o fa'ata'ita'iga a le malō poo se isi pepa fa'atumu talafeagai, pau lava le mea ia iai fa'amatalaga mana'omia mo le fa'atumuina o se talosaga mo se fa'amasinoga mo fa'ai'uga tutusa poo se fa'aseā a le setete.

TUUINA O SE TAMAITIITI I SE ISI NOFOAGA A'O FA'AGASOLO TAUALUMAGA O LE FA'ASEĀ MO SE FA'AI'UGA TUTUSA MA FA'AMASINOGA

Se'i vaganā o loo fa'amatalaina i lalo o le ulutala **LAASAGA FA'ATAATITIA MO LE A'OA'OINA O AMIO O TAMAITI E IAI MA'I TUMAU**, o le taimi lava e lafo ai se talosaga mo se fa'amasinoga mo fa'ai'uga tutusa i le isi vaega, i le taimi fa'apiliota o fa'agasologa o le fo'iaina o fa'afitauli, ma a'o fa'atalitali mo fa'ai'uga o soo se fa'amasinoga mo fa'ai'uga tutusa e le fa'aitu'au poo taualumaga o le fa'amasinoga, se'i vaganā ua lua malilie fa'atasi ma le a'oga fa'aitumalō, e tatau ona nofo pea lou alo i le nofoaga fa'alea'oa'oga o loo iai nei.

Afai o le fa'aseā mo se fa'ai'uga tutusa e iai se talosaga i le taimi muamua mo le tuuina i le a'oga a le malō, o lou alo, fa'atasi ma lau maliēga e tatau ona ave i le polokalame masani a le a'oga a le malō se'ia mae'a uma ia taualumaga.

Afai o le fa'aseā mo se fa'ai'uga tutusa e iai se talosaga mo ulua'i auaunaga i lalo o le Vaega B o le IDEA, mo se tamaitiiti o loo suia mai i le faia iai o auaunaga i lalo ole Vaega C o le IDEA i le Vaega B o le IDEA ma ua le toe agavaa mo auaunaga o le Vaega C ona ua atoa le tolu tausaga o le tamaitiiti, e le mana'omia le sauniaina e le a'oga fa'aitumalō o auaunaga sa mauaina e le tamaitiiti i lalo o le Vaega C. Afai e maua ane e agavaa le tamaitiiti i lalo o le Vaega B o le IDEA ma ua e malie e maua e lou alo a'oa'oga fa'apitoa ma auaunaga talafeagai mo le taimi muamua, ona fa'atali lea o le i'uga o le tolaulauga, e tatau i le a'oga fa'aitumalō ona saunia ia a'oa'oga fa'apitoa ma auaunaga talafeagai e le'o i totonu o feteena'iga (vaega o loo lua malilie fa'atasi ai ma le a'oga fa'aitumalō). Afai e malie fa'atasi le fa'amasino ma oe i se fa'amasinoga mo fa'ai'uga tutusa sa fa'atautaia e se State Educational Agency e talafeagai se suiga o nofoaga, e tatau ona faia e avea ma nofoaga a lou alo mo le taimi nei a'o tālia ai le fa'amasinoga mo se fa'ai'uga e le fa'aitu'au poo tolaulauga a le ofisa o fa'amasinoga.

GALUEGA FA'ALELEIA

Fonotaga mo se fa'aleleiga

I le maua ai o le fa'asilasilaga o se fa'aseā mo se fa'ai'uga tutusa i totonu o le 15 aso fa'alekalena, ma ae le'i amataina le fa'amasinoga mo se fa'ai'uga tutusa, e tatau i le a'oga fa'aitumalō ona faia se fonotaga ma oe ma tagata talafeagai poo tagata auai o le Vaega o le polokalame mo a'oa'oga ta'ito'atasi (IEP) e iai malamalamaaga fa'apitoa i le moni o fa'amatalaga o loo fa'ailoa i lau fa'aseā mo se fa'ai'uga tutusa. O le fono:

1. E tatau ona iai se sui o le a'oga fa'aitumalō e iai lana pule i le faia o filifiliga mo le a'oga fa'aitumalō; **ma**
2. E le mafai ona iai se loia a le a'oga fa'aitumalō se'i vaganā ua lua o fa'atasi ma se loia.

E filifili e oe ma le a'oga fa'aitumalō sui talafeagai o le Vaega o le IEP e auai i le fonotaga.

O le mafua'aga o le fono o le fa'atalanoaina o lau talosaga mo se fa'amasinoga mo fa'ai'uga tutusa, ma fa'amatalaga moni o loo fa'avae ai le talosaga, ina ia mafai e le a'oga fa'aitumalō ona fo'ia fa'afitauli.

E le talafeagai le fonotaga mo se fa'aleleiga pe afai:

1. Ua lua malilie ma le a'oga fa'aitumalō i se tusi e soloia ai le fonotaga; **pe**
2. Ua lua malilie ma le a'oga fa'aitumalō e fa'aaoga fa'atinoga o fa'aleleiga, e pei ona fa'amatalaina i lalo o le ulutala **Fa'aleleiga**.

Piliota mo se fa'aleleiga

Afai e le'i soālaupuleina e le a'oga fa'aitumalō se talosaga fa'aseā i se fa'amasinoga mo fa'ai'uga tutusa e fa'amalieina ai oe i totonu o le 30 aso fa'alekalena talu ona maua le talosaga (i le taimi fa'apiliota mo galuega fa'alelei), e ono faia le fa'amasinoga mo fa'ai'uga tutusa.

O le 45 aso fa'akalena o le taimi fa'atulagaina mo le fa'amatuuina atu o le fa'ai'uga mulimuli o le fa'amasinoga mo se fa'ai'uga tutusa, e pei ona fa'amatalaina i lalo o le ulutala, **Fa'ai'uga o Fa'amasinoga**, e amata i le aso mulimuli o le 30 aso fa'alekalena o le piliota mo se fa'aleleiga, fa'atasi ma nisi o faiga fa'apitoa mo fetuuna'iga e faia i le 30 aso fa'alekalena o le piliota mo se fa'aleleiga, e pei ona fa'amatala i lalo.

Se'i vaganā ai ua lua malilie fa'atasi ma le a'oga fa'aitumalō e soloia le galuega fa'aleleia pe fa'aaoga fa'aleleiga, o lou le auai i le fonotaga mo se fa'aleleiga o le fa'atuai ai le taimi fa'atulaga mo le galuega fa'aleleia ma le fa'amasinoga mo fa'ai'uga tutusa se'ia faia le fono.

Afai ina ua mae'a taumafaiga talafeagai ma le fa'amaumuina o ia taumafaiga, e le mafai e le a'oga fa'aitumalō ona fa'amaumuina lou auai i le fonotaga mo se fa'aleleiga, e ono mafai e le a'oga fa'aitumalō ona talosaga i se fa'amasino e fa'aleaogā lau talosaga mo se fa'amasinoga mo fa'ai'uga tutusa i le fa'ai'uga o le 30 aso fa'alekalena o le piliota mo fa'aleleiga. O fa'amaumuina o ia taumafaiga e tatau ona iai se fa'amatalaga o taumafaiga a le a'oga fa'aitumalō e faia se maliēga 'aufa'atasi i le taimi ma le nofoaga, e pei o:

1. Fa'amatalaga manino o telefoni poo taumafaiga sa faia ma i'uga o ia telefoni;
2. Kopi o fesoota'iga sa lafoina atu ia te oe ma soo se tali sa maua; **ma**
3. Fa'amatalaga manino o asiasiga sa o atu i lou fale poo le fale faigaluega ma le i'uga o ia asiasiga.

Afai e le'i fa'ataunuuina e le a'oga fa'aitumalō le fonotaga mo se fa'aleleiga i totonu o le 15 aso fa'alekalena talu ona mauaina lau tusi talosaga mo se fa'amasinoga mo fa'ai'uga tutusa **pe** e le'i auai i le fonotaga mo se fa'aleleiga, e mafai ona e talanoa i se fa'amasino e amata le 45 aso fa'alekalena e fa'atulaga ai le taimi amata o le fa'amasinoga mo fa'ai'uga tutusa.

Fetuuna'iga i le 30 aso fa'alekalena o le piliota mo se fa'aleleiga

Afai ua lua malilie fa'atasi ma le a'oga fa'aitumalō i se tusi e soloia ai le fonotaga mo se fa'aleleiga, ona amatalia lea o le 45 aso fa'alekalena e fa'atulaga ai le taimi mo le fa'amasinoga mo fa'ai'uga tutusa i le aso e sosoo ai.

I le mae'a ai o le amataina o le fa'aleleiga poo fonotaga mo fa'aleleiga ma a'o le'i oo i le fa'ai'uga o le 30 aso fa'alekalena o le piliota mo se fa'aleleiga, afai ua lua malilie fa'atasi ma le a'oga fa'aitumalō i se tusi e le alagatau le faia o se maliliega, ona amata lea o le 45 aso fa'alekalena e fa'atulaga ai le taimi mo le fa'amasinoga mo fa'ai'uga tutusa i le aso e sosoo ai.

Afai ua lua malilie fa'atasi ma le a'oga fa'aitumalō e fa'aaoga le fa'atinoga o le fa'aleleiga ae le'i taunuu lava i se maliēga, i le fa'ai'uga o le 30 aso fa'alekalena o le piliota mo se fa'aleleiga, e ono mafai ona fa'aaau pea le fa'atinoga o le fa'aleleiga se'ia taunuu i se maliēga 'autasi pe afai e malilie uma itū e lua e fa'aaau e ala i se tusi. Peita'i, afai e fa'amavae se tasi o oe poo le a'oga fa'aitumalō mai le fa'atinoga o le fa'aleleiga i lenei taimi o le piliota fa'aaau, ona amata loa lea o le 45 aso fa'alekalena e fa'atulaga ai le taimi mo le fa'amasinoga mo fa'ai'uga tutusa i le aso e sosoo ai.

Maliēga 'autasi tusitusia

Afai ua fo'iaina se fa'afitauli i se fonotaga mo se fa'aleleiga, e tataua ia te oe ma le a'oga fa'aitumalō ona fa'amaui se lua maliēga fa'aletulafono e:

1. Sainia e oe ma le sui o le a'oga fa'aitumalō e iai le pule e tuufa'atasia ai le a'oga fa'aitumalō; **ma**
2. E mafai ona fa'amalosia i fale fa'amasino i soo se setete, e iai le pule i matā'upu eseese tau fa'amasinoga (o se fale fa'amasino e iai le pule i lalo o le tulafono a le setete e fa'alogi ai i ia ituaiga matā'upu) pe o totonu o se fa'amasinoga fa'aitumalō i le lunaite Setete.

Piliota mo le iloiloina o maliēga

Afai ua lua 'autasi ma le a'oga fa'aitumalō i se maliēga mai se i'uga o se fonotaga mo se fa'aleleiga, soo se itū (o oe poo le a'oga fa'aitumalō) e mafai ona fa'aleaogaina le maliēga i totonu o le 3 aso fa'apisinisi mai le taimi sa lua sainia ai ma le a'oga fa'aitumalō le maliēga.

FA'AMASINOGA I LUGA O FA'ASEĀ MO FA'AI'UGA TUTUSA

FA'AMASINOGA MO FA'AI'UGA TUTUSA E LE FA'AITU'AU

Mo le lautele

Soo se taimi lava e talosaga ai se fa'amasinoga mo se fa'ai'uga tutusa, e tatau ona iai se avanoa o oe poo le a'oga fa'aitumalō o loo aafia i se fa'amasinoga mo se fa'ai'uga tutusa e le fa'aitu'au, e tusa ai ma le fa'amatalaina i le **Fa'aseā mo Fa'ai'uga Tutusa** ma vaega o **Galuega Fa'aleleia**.

Fa'amasino fa'amaoni e le fa'aitu'au

I se itu fa'atauva'a, o se fa'amasino:

1. E le'o se tagata faigaluega i le SEA poo le a'oga fa'aitumalō o loo iai i a'oa'oga poo le tausiana o le tamaitiiti. Peita'i, o lea tagata e le'o avea ma se tagata faigaluega o se ofisa soo'upu ona o loo totogiina e le ODE le lālā soo'upu e galue ai o se fa'amasino;
2. E le tatau ona fa'auō ma fa'aitu'au e feteena'i ai ma fa'amoemoega a le ALJ i le fa'amasinoga;
3. E tatau ona iai le tomai ma malamalama i aiāiga a le IDEA, ma tulafono ta'iala a le feterale ma le setete e fa'atatau i le IDEA, ma le fa'amatalaina fa'aletulafono o le IDEA e le feterale ma fale fa'amasino i le setete; **ma**
4. E tatau ona iai le tomai ma le mafai e fa'atautaia ai fa'amasinoga, ma fai fa'a'i'uga ma tusi, e ogatasi ma talafeagai ma tulaga masani o ta'iala fa'aletulafono.

E tatau i a'oga fa'aitumalō ta'itasi ona teuina se lisi o tagata o loo galulue o ni ALJ ma se pepa o fa'amaumauga o tusipasi mo ia tagata ta'ito'atasi.

Matā'upu 'autū o fa'amasinoga mo fa'ai'uga tutusa

O le vaega (o oe poo le a'oga fa'aitumalō) e talosagaina le fa'amasinoga mo fa'ai'uga tutusa e le mafai ona latou lagaina ni matā'upu i le taimi o le fa'amasinoga mo fa'ai'uga tutusa e le'i fa'a'iloina i le talosaga, se'i vaganā ua malilie le isi vaega.

Taimi fa'atulagaina mo le talosagaina o se fa'amasinoga

E tatau ona talosaga e oe poo le a'oga fa'aitumalō se fa'amasinoga mo se fa'ai'uga tutusa e le fa'aitu'au i totonu o le lua tausaga i le aso sa e iloa ai pe iloa ai e le a'oga fa'aitumalō pe sa tatau ona iloa fa'afitauli o loo fa'a'iloa i le talosaga mo se fa'amasinoga.

Faiga fa'apitoa e 'ese mai le taimi fa'atulagaina

E le fa'aaogaina le taimi fa'atulagaina o loo i luga ia te oe pe afai e le mafai ona e failaina se talosaga mo se fa'amasinoga i se fa'ai'uga tutusa ona:

1. Ua fa'auigasēsēina e le a'oga fa'aitumalō fa'apea ua mae'a ona fo'ia fa'afitauli poo matā'upu sa e tuuina mai i lau fa'aseā; **pe**
2. Ua taofia e le a'oga fa'aitumalō fa'amatalaga mai ia te oe sa mana'omia e tuuina atu ia te oe i lalo o le Vaega B o le IDEA.

AIĀ TATAU I LE FAIA O SE FA'AMASINOGA

Mo le lautele

E iai lau aiā tatau e te tu ai lava mo oe i se fa'amasinoga mo se fa'ai'uga tutusa. O le isi mea, o soo se vaega e i le fa'amasinoga mo fa'ai'uga tutusa (e aofia ai se fa'amasinoga e fa'atatau i le fa'atonotonuina o amioga le pulea) e iai aiā tatau e:

1. O fa'atasi ma fautuaina e se loia ma/poo tagata e iai tomai fa'apitoa poo a'oa'oga e fa'atatau i fa'afitauli o tamaiti e iai ma'i tumau;
2. E tula'i ai se loia mo ia i le taimi o le fa'amasinoga mo se fa'ai'uga tutusa;
3. Tuuina atu fa'amaoniga ma fa'afesaga'i, su'esu'ega, ma mana'omia le auai o tagata molimau;
4. Taofia o le fa'ailoaina o soo se fa'amaoniga i le fa'amasinoga ua uma ona fa'ailoa i lenā vaega pe tusa o le lima aso fa'apisinisi ae le'i faia le fa'amasinoga;
5. Ia maua se fa'amaumauga tusitusia o le fa'amasinoga, pe fua i lau filifiliga, kopi fa'aeletonika, poo se kopi upu-i-le-upu; **ma**
6. Ia maua se fa'amaumauga tusitusia, pe fua i lau filifiliga, kopi fa'aeletonika o fa'amatalaga moni o sa'ili'iliga ma fa'ai'uga.

Mea fa'aopopo i le fa'ailoaina o fa'amatalaga

Pe tusa o le lima aso fa'apisinisi ae le'i faia le fa'amasinoga, e tatau ia te oe ma le a'oga fa'aitumalō ona fa'ailoa e le tasi i le tasi iloiloga uma ua mae'a ona fa'atino i lea aso ma fautuaga e fa'avae mai i ia iloiloga lea e te lua fa'amoemoe ma le a'oga fa'aitumalō e fa'aaogā i le fa'amasinoga.

E mafai ona taofia e le fa'amasino soo se vaega e le'o mafai ona 'ausia mea e mana'omia mai le fa'ailoaina o iloiloga talafeagai poo fautuaga i le fa'amasinoga e aunoa ma se maliēga a le isi itū.

Aiā fa'alemātua i fa'amasinoga

E tatau ona tuuina atu ia te oe le fa'atagana e:

1. Ave ai lou alo e auai i le fa'amasinoga;
2. Tatala le fa'amasinoga i tagata lautele; **ma**
3. Ia iai fa'amaumauga o le fa'amasinoga, fa'amatalaga moni mai sa'ili'iliga ma filifiliga sa tuuina atu ia te oe e leai se totogi.

FA'AI'UGA O FA'AMASINOGA

Fa'ai'uga a Loia Fa'amasino Sili

O se fa'ai'uga a se fa'amasino i lou alo pe sa maua e lou alo se a'oga faia fua ma talafeagai (FAPE) e tatau ona fua i luga o fa'amaoniga ma finauga e fesoota'i ma auaunaga a le FAPE.

I matā'upu e tuua'ia ai le solia o laasaga fa'ataatitia (e pei o le "lē ato'ato'a o le Vaega o le IEP"), e mafai ona maua e se ofisa fa'amasino e le'i maua e lou alo ni auaunaga mai le FAPE i na'o taimi e solia ai laasaga fa'ataatitia:

1. Fa'alavelave i le aiā tatau a lou alo i se a'oga faia fua ma talafeagai (FAPE);
2. Fa'alavelaveina tele i lou avanoa e auai ai i se faiga filifiliga e fa'atatau i le sauniaina o se a'oga faia fua ma talafeagai (FAPE) mo lou alo; **pe**
3. Ua mafua ai ona aveese penefiti fa'alea'oa'oga a lou alo.

E leai se āiaiga o fa'amatalaina i luga e mafai ona fa'auigaina ina ia taofia ai se ofisa mai le fa'amasinoga mai le fa'atonuina o se a'oga fa'aitumalō e usita'ia tulaga e mana'omia i le vaega o galuega fa'atulagaina mo le saogalemū o tulafono fa'avae fa'afeterale i lalo o le Vaega B o le IDEA (34 CFR §§300.500 e oo i le 300.536).

Talosaga tuu'ese'ese mo se fa'amasinoga mo se fa'ai'uga tutusa

E leai se vaega o galuega fa'atulagaina mo le saogalemū o tulafono fa'avae fa'afeterale i lalo o le Vaega B o le IDEA (34 CFR §§300.500 e oo i le 300.536) e mafai ona fa'auigaina e taofia ai oe mai le failaina o se fa'aseā i fa'ai'uga tutusa i se fa'afitauli e 'ese mai i fa'aseā i fa'ai'uga tutusa ua uma ona failaina.

O i'uga o su'esu'ega ma fa'ai'uga sa tuuina i le vaega faufautua ma tagata lautele

E tatau i le SEA, poo le a'oga fa'aitumalō (o fea lava le vaega e nafa ma lou fa'amasinoga), ina ua mae'a ona aveeseina soo se fa'amatalaga patino o se tagata ona:

1. Sauniaina o sa'ili'iliga ma fa'ai'uga o fa'amasinoga mo fa'ai'uga tutusa poo le talosaga i le vaega faufautua o a'oga fa'apitoa i le setete; **ma**
2. Tuuina o ia sa'ili'iliga ma fa'ai'uga ia maua e tagata lautele.

TAIMI FA'ATULAGAINA MA LE LELEI O FA'AMASINOGA; FAIGA O FA'AI'UGA MULIMULI

E tatau i le SEA ona fa'amautinoa e le sili atu ma le 45 aso fa'alekalena i le mae'a ai o aso e 30 fa'alekalena o fonotaga mo galuega fa'aleleia **pe**, tusa ai ma le fa'amatalaina i lalo o le ulutala **Fetuuna'iga o le 30 aso fa'alekalena mo le piliota o faiga fa'ai'uga fa'alelei**, e le sili atu ma le 45 aso fa'alekalena talu ona mae'a le piliota fa'atulagaina mo fetuuna'iga:

1. Ua maua se fa'ai'uga mulimuli i le fa'amasinoga; **ma**
2. Ua lafoina se kopi o le fa'ai'uga i le meli i vaega ta'itasi.

E mafai e le fa'amasino ona tuuina atu se fa'aopoopoga fa'apitoa i le taimi i luga atu o le 45 aso fa'alekalena taimi fa'apiliota o loo fa'amatalaina i luga i le talosaga a soo se vaega (o oe poo le a'oga fa'aitumalō).

O fa'amasinoga ta'itasi e tatau ona fa'atautaia i le taimi ma le nofoaga e talafeagai lelei ia te oe ma lou alo.

Faiga o fa'ai'uga mulimuli o fa'ai'uga

O se fa'ai'uga sa faia i se fa'amasinoga mo fa'ai'uga tutusa (e aofia ai se fa'amasinoga e fa'atatau i le fa'atonuina o amioga le pulea) ua fa'amae'aina, se'i vaganā ai soo se vaega sa auai i le fa'amasinoga (o oe poo le a'oga fa'aitumalō) e mafai ona toe apiliina le fa'ai'uga e ala i le fa'auluina aloa'ia o se tagi fa'aseā, e pei ona fa'amatalaina i lalo o le ulutala **Gaioiga Fa'aletulafono, e Aofia ai le Taimi Fa'apiliota e Faila ai ia Gaioiga**.

GAIOIGA FA'ALETULAFONO, E AOFIA AI LE TAIMI FA'APILIOTA E FAILA AI IA GAIOIGA

Mo le lautele

Soo se vaega (o oe poo le a'oga fa'aitumalō) e le'o malilīe i sa'ili'iliga ma fa'ai'uga a le fa'amasinoga mo fa'ai'uga tutusa (e aofia ai se fa'amasinoga e fa'atatau i le fa'atonuina o amioga le pulea) e iai le aiā tatau e fa'aulu ai se tagi fa'aseā e uiga i le matā'upu lea sa faia ai le fa'amasinoga mo se fa'ai'uga tutusa. E mafai ona ave le tagi fa'aseā i se fa'amasinoga i le setete e iai le pule i matā'upu eseese tau fa'amasinoga (o se fa'amasinoga i le setete e iai le pule i lalo o le tulafono e fa'alogologo ai i ia ituaiga matā'upu) pe o totonu o se fa'amasinoga fa'aitumalō i le lunaite Setete.

Taimi fa'atapulaa

O le vaega (o oe poo le a'oga fa'aitumalō) o loo tuuina maia le tagi o loo tuuina iai le 90 aso fa'alekalena mai le aso o le fa'ai'uga a le fa'amasino e faila ai se tagi.

Laasaga fa'aopoopo

I soo se tagi fa'aseā, o le fa'amasinoga:

1. E mauaina fa'amaumauga o tolaulauga fa'apulega;
2. Fa'alogo i fa'aopoopoga o mau fa'amaonia e ala atu i lau talosaga poo le talosaga a le a'oga fa'aitumalō; **ma**
3. E fa'avae ana fa'ai'uga i le malosi o mau fa'amaonia ma tuuina atu ai fa'ai'uga fa'amāmā avega e filifili le fa'amasinoga e talafeagai.

I lalo o tulaga talafeagai, o auala fa'amāmā avega fa'aletulafono e mafai ona aofia ai le toe totogiina o tupe sa totogi ai pili a'oga ma le toe totogiina o auaunaga fa'alea'oa'oga.

Pulega a fa'amasinoga fa'aitumalō

O fa'amasinoga fa'aitumalō a le Lunaite Setete e iai pulega e faia fa'ai'uga i tagi e aumaia i lalo o le Vaega B o le IDEA e aunoa ma le faitauina o le aofa'iga o fe'ese'esea'iga.

Tulafono fa'akonekarate

E leai se fa'amatalaga i le Vaega B o le IDEA e taofiofia ai pe fa'atapulaaina aiā tatau, laasaga fa'ataatitia, ma auala e fo'ia ai fa'afitauli o loo maua i lalo o Faiga Fa'avae a le U.S., o le Americans with Disabilities Act (Tulafono Ta'iala mo Tagata Amerika e iai Ma'i Tumau) o le 1990, Title V o le Rehabilitation Act (Tulafono Ta'iala mo Togafitiga Fa'aleleia o le Mafaufau) o le 1973 (Vaega 504), poo isi tulafono fa'afeterale o loo puipuia aiā tatau a tamaiti e iai ma'i tumau, se'i vaganā ai le taimi e le'i failaina ai se tagi fa'aseā i lalo o nei tulafono e sa'iliina ai se fa'amāmā avega o loo maua foi i lalo o le Vaega B o le IDEA, o laasaga fa'ataatitia mo fa'ai'uga tutusa o loo fa'amatalaina i luga e tatau ona tuuina i le fa'alautelega e tasi o le a mana'omia pe afai o le vaega lea sa fa'auluina le tagi fa'aseā i lalo o le Vaega B o le IDEA. O lona uiga e ono iai ia te oe ni auala e fo'ia ai fa'afitauli i lalo o isi tulafono tutusa o loo iai i lalo o le IDEA, peita'i o le mea masani, i le maua ai o se mapusaga i lalo o ia vaega i lalo o isi tulafono, e tatau ona e fa'aaogaina muamua auala e fo'ia ai fa'afitauli mai le pulega i lalo o le IDEA (e iai le fa'aseā mo se fa'ai'uga tutusa; galuega fa'alelei, e aofia ai fonotaga mo fa'aleleiga; ma laasaga fa'ataatitia o fa'amasinoga mo fa'ai'uga tutusa e le fa'aitu'au) ae le'i alu sa'o i le fa'amasinoga.

TUPE TOTOGI I LE LOIA

Mo le lautele

I soo se tagi fa'aseā poo tolaulauga e aumaia i lalo o le Vaega B o le IDEA, e mafai e le fa'amasinoga i lana pule faitalia ona tuuina atu tupe totogi talafeagai i le loia o se vaega o le tau mo oe, pe afai e te malō (manumalō).

I soo se tagi fa'aseā poo tolaulauga e aumaia i lalo o le Vaega B o le IDEA, e mafai e le fa'amasinoga i lana pule faitalia ona tuuina atu tupe totogi talafeagai i le loia o se vaega o le tau i se State Educational Agency ua manumalō poo se a'oga fa'aitumalō, e totogiina e lau loia, pe afai o le loia: (a) sa failaina se fa'aseā poo se matā'upu tau fa'amasinoga e manatu le fa'amasinoga e le tāua, e le talafeagai, pe leai se fa'avae; **pe** (e) sa fa'aauau pea ona faia le fa'amasinoga e ui ina sa manino le lē tāua, le talafeagai poo le leai o se fa'avae; **pe**:

I soo se tagi fa'aseā poo tolaulauga e aumaia i lalo o le Vaega B o le IDEA, e mafai e le fa'amasinoga i lana pule faitalia ona tuuina atu tupe totogi talafeagai i le loia o se vaega o le tupe totogi i se State Educational Agency ua manumalō poo se a'oga fa'aitumalō, e totogiina e oe poo lau loia, pe afai o lau talosaga mo se fa'amasinoga mo fa'ai'uga tutusa poo se matā'upu tau fa'amasinoga i se taimi mulimuli ane sa folasia mo soo se mafua'aga e le alagatatau, e pei o le sāuaina, mo taumafaiga le lelei e fa'atuaiina ai le matā'upu, poo le sii maualuga o le tau o le tagi fa'aseā poo tolaulauga e aunoa ma se mafua'aga talafeagai.

Taui o tupe totogi

E tauia e le fa'amasinoga tupe totogi i loia e pei ona mulimuli mai:

1. O tupe totogi e fua i tau o loo taatele i le komiuniti o loo tula'i mai ai tagi fa'aseā poo tolaulauga mo le ituaiga ma fa'atinoga lelei o auaunaga. E leai se tupe fa'ameaalofa poo fa'atelega e ono fa'aaogā i le galuea'iina o tupe totogi e tuuina atu fa'ataui.
2. O tupe totogi i loia e ono le tuuina atu fa'ataui ma o tau fesoota'i e ono le mafai ona toe totogiina atu mo soo se tagi fa'aseā poo tolaulauga i lalo o le Vaega B o le IDEA mo auaunaga fa'atinoina ina ua mae'a ona tusia se ofa o se maliēga e faia mo oe pe afai:
 - a. O le ofa sa faia i le taimi fa'atonuina e le Tulafono 68 o le Federal Rules of Civil Procedure (Tulafono Fa'afeterale o Laasaga Fa'ataatitia mo Tolaulauga) poo, i le matā'upu fa'a-fa'amasinoga mo se fa'ai'uga tutusa, i soo se taimi e sili atu ma le 10 aso fa'alekalena ae le'i amataina le tolaulauga;
 - b. E le taliaina le ofa i totonu o le 10 aso fa'alekalena; **ma**
 - c. Ua maua e le fa'amasinoga poo le fa'amasino sili o le fa'amāmā avega sa e mauaina i se taimi mulimuli e te le fiafia tele ai nai lo le ofa o le maliēga.

E ui i ia faiga fa'atapulaa, o se tau o tupe totogi i le loia ma tau fesoota'i e mafai ona faia ia te oe pe afai e te malō ma sa matuā ta'uamionuina oe i le teenaina o le ofa mo le maliēga.

3. O tupe totogi e ono le tuuina fa'ataui i soo se fonotaga fesoota'i o le polokalame mo le Vaega o a'oa'oga ta'ito'atasi (IEP) se'i vaganā ua faia le fonotaga ona o se i'uga o se tolaulauga fa'apulega poo gaioiga fa'a-fa'amasinoga. O tupe totogi e ono le mafai ona tuuina atu o se tau mo se fa'aleleiga e pei ona fa'amatalaina ai i lalo o le ulutala **Fa'aleleiga**.

O se fonotaga mo fa'aleleiga, e pei ona fa'amatalaina i lalo o le ulutala **Galuega Fa'aleleia**, e le faitauina o se fono sa taloina ona o se i'uga o se fa'amasinoga fa'apulega poo gaioiga fa'a-fa'amasinoga mo nei aiāiga o tupe totogi i loia.

E fa'aitiitia e le fa'amasinoga pe a talafegai le aofa'iga o tupe totogi i loia e tauia i lalo o le Vaega B i le IDEA, pe afai e maua e le fa'amasinoga:

1. Ua fa'atuaiina e oe poo lau loia e aunoa ma se mafua'aga lelei i le taimi o gaioiga fa'aletulafono poo tolaulauga le faia o se fa'aleleiga mulimuli mo fe'ese'esea'iga;
2. O le aofa'iga o tupe totogi i loia sa fa'atagaina e tuuina atu ma le lē talafeagai ma ua sili atu ma le tau masani o le itula o tau taatele i le komiuniti mo auaunaga tutusa mai loia e tutusa agavaa, tala'aga, ma le poto masani;
3. O le taimi sa fa'aaluina ma auaunaga fa'aletulafono sa saunia e sili atu ma le natura o gaioiga fa'aletulafono poo tolaulauga; **pe**
4. E le avea e le loia o loo tu mo oe fa'amatalaga talafeagai i le a'oga fa'aitumalō i le fa'asilasilaga o le fa'amasinoga mo se fa'ai'uga tutusa e pei ona fa'amatalaina i lalo o le ulutala **Fa'aseā mo Fa'ai'uga Tutusa**.

Ae peita'i, e ono leai se fa'aitiitiga o tupe totogi e le ofisa fa'amasino pe afai e maua e le ofisa e le'i iai se mafua'aga tatau na fa'atuai ai e le setete poo le a'oga fa'aitumalō le faia o se fa'aleleiga mulimuli o gaioiga poo fa'asologa pe sa iai se solitulafono i lalo o āiaiga o galuega fa'atulagaina mo le saogalemū o le Vaega B o le IDEA.

LAASAGA FA'ATAATITIA MO LE A'OA'OINA O AMIO O TAMAITI E IAI MA'I TUMAU

PULEGA A LE MAMALU O LE A'OGA MA FAIA'OGA

Filifiliga o matā'upu sosoo

E tatau ona manatu tagata galulue i le a'oga i soo tulaga 'ese i taimi o matā'upu sosoo, ina ua filifili pe o se suiga o nofoaga, sa faia e tusa ai ma vaega mana'omia o loo mulimuli mai e fesoota'i ma a'oa'oga, e talafeagai mo se tamaitiiti e iai ma'i tumau ua ia solia se tulafono mo amioga a tamaiti a'oga.

Mo le lautele

I le tulaga latou te faia ai foi ia gaiioiga mo tamaiti e leai ni ma'i tumau, e mafai e tagata galulue i le a'oga, i le lē sili atu ma le **10 aso a'oga** sosoo, ona aveese se tamaitiiti e iai ma'i tumau ua solia se tulafono mo amioga a tamaiti a'oga mai o latou nofoaga o loo i ai nei i se nofoaga fa'alea'oa'oga le tumau, se isi nofoaga, poo le fa'amalōlō. O tagata galulue i le a'oga e mafai foi ona fa'aopoopoina tamaiti a'oga e aveese i le lē sili atu ma le **10 aso a'oga** sosoo i le tausaga a'oga lava lenā e tasi mo fa'alavelave eseese o amio le pulea, pe afai o aveese e le avea ma auala e sui ai nofoaga (silasila i le ulutala ***Suiga o Nofoaga e Nonofo ai ona o Amioga le Pulea*** mo le fa'auigana).

O le taimi e aveese ai se tamaitiiti e iai ma'i tumau mai lona nofoaga o iai nei mo le aofa'i e **10 aso a'oga** i le tausaga a'oga lava e tasi, e tatau i le a'oga fa'aitumalō ona saunia auaunaga i soo se aso mulimuli ane i lenā tausaga a'oga i tulaga fa'alau'itele e mana'omia i lalo o le ulutala laitiiti ***Auaunaga***.

Pulega fa'aopoopo

Afai o le amio sa solia ai le tulafono o amioga a tamaiti a'oga e le'o se malamalama manino o le tamaitiiti e iai ma'i tumau (silasila i le ulutala ***Filifiliga o le malamalama***) ma le suiga o nofoaga o le a sili atu ona o amioga le pulea i le **10 aso a'oga** sosoo, e mafai e tagata galulue i le a'oga ona apalai laasaga mo le fa'atonutonuina o amioga le pulea i lea tamaitiiti e iai ma'i tumau i le tulaga e tasi ma i le taimi umi lava lea e fa'atino ai i tamaiti e leai ni o latou ma'i tumau, se'i vaganā auaunaga e tatau i le a'oga ona saunia i lea tamaitiiti e pei ona fa'amatalaina i lalo o ***Auaunaga***. O le Vaega o le IEP a se tamaitiiti e filifilia se nofoaga fa'alea'oa'oga le tumau mo ia auaunaga.

AUAUNAGA

O se a'oga fa'aitumalō e na'o auaunaga mo se tamaitiiti e iai ma'i tumau ma ua aveeseina mai o latou nofoaga o iai nei e mana'omia ai mo le **10 aso a'oga poo le itiiti ifo** i lenā lava tausaga a'oga e tasi, pe afai e saunia auaunaga i se tamaitiiti e leai ni ma'i tumau ua aveeseina fa'atasi. O auaunaga e tatau ona saunia i se tamaitiiti e iai ma'i tumau ua aveese mai lona nofoaga o iai nei e tatau ona tuuina atu i lona nofoaga fa'alea'oa'oga le tumau.

O se tamaitiiti e iai ma'i tumau ua aveese mai lona nofoaga o iai nei mo le **sili atu ma le 10 aso a'oga** ma o le amio e le'o se molimau o le iai o ma'i tumau i le tamaitiiti (silasila i le ulutala, ***Naunauta'iga mo galuega lelei***) pe o le aveeseina i lalo o tulaga fa'apitoa (silasila i le ulutala, ***Tulaga fa'apitoa***) e tatau:

1. Fa'aaauu ona maua auaunaga fa'alea'oa'oga (o loo maua se a'oga fua i se a'oga a le malō e talafeagai), ina ia mafai ona fa'aauiuina e le tamaitiiti le auai pea i matā'upu fa'alea'oa'oga, e ui lava ina o loo i se isi vaega (masalo o se nofoaga fa'alea'oa'oga le tumau), ma ia fa'aauiu ai mo le 'ausiaina o sini 'autū o loo tusia i le IEP a le tamaitiiti; **ma**

2. Maua pe a talafeagai, o se su'esu'ega o amioga fa'aalia, ma auaunaga e fa'alavelaveina ai amioga ma suiga, lea ua faia e fa'ailoa ai amioga le pulea ina ia 'aua ne'i toe tupu.

Ina ua aveesea mai se tamaitiiti e iai ma'i tumau mai latou nofoaga o iai i le taimi nei mo le **10 aso a'oga** i le tausaga fa'alea'oga lava lenā, ma **pe afai** o le aveesega i le taimi nei e mo le **10 aso a'oga** sosoo poo le itiiti ifo **ma** pe afai o le aveesega e le'o se suiga o le nofoaga (silasila i le fa'auigana o loo i lalo), **ona** filifili lea e le faia'oga o loo i le fa'atalatalanoaga fa'atasi ai ma le faia'oga a le tamaitiiti le fa'alautelega poo a auaunaga o loo mana'omia e mafai ai ona fa'aaauu e le tamaitiiti ona auai i matā'upu fa'alea'oa'oga, e ui lava ina o loo i se isi nofoaga, ma ia fa'aaauu ai ina ia 'ausia sini 'autū o loo tusia i le IEP a le tamaitiiti.

Afai o le aveesega e le'o se suiga o le nofoaga (silasila i le ulutala, **Suiga o Nofoaga e Nonofo ai ona o Amioga le Pulea**), e filifili a e le Vaega o le IEP a le tamaitiiti auaunaga talafeagai e mafai ona fa'aaauuina e le tamaitiiti le auai pea i matā'upu fa'alea'oa'oga, e ui lava ina o loo i se isi vaega (masalo o se nofoaga fa'alea'oa'oga le tumau), ma ia fa'aaauu ai mo le 'ausiaina o sini 'autū o loo tusia i le IEP a le tamaitiiti.

NAUNAUTA'IGA MO GALUEGA LELEI

I totonu o le **10 aso a'oga** o soo se filifiliga e suia le nofoaga o se tamaitiiti e iai se ma'i tumau ona o le solia o se tulafono mo amioga a tamaiti a'oga tamaiti a'oga (se'i vaganā o se faiga e aveesea ai mo le **10 aso a'oga** sosoo poo le itiiti ifo ma e le'o se suiga o nofoaga), o le a'oga fa'aitumalō, o oe, ma isi sui talafeagai o le Vaega o le IEP (e pei ona lua filifilia fa'atasi ma le a'oga fa'aitumalō) e tatau ona iloilo ina fa'amatalaga talafeagai uma o loo i le faila a le tamaitiiti a'oga, e aofia ai le IEP a le tamaitiiti, o soo se vaaiga a le faia'oga, ma soo se fa'amatalaga talafeagai e te tuuina atu e filifili ai:

1. Pe afai o amioga o loo fesiligia na afua mai i se, poo se fesoota'iga sa'o ma se sootaga felāta'i i, le tamaitiiti e iai ma'i tumau; **pe**
2. Pe afai o amioga o loo fesiligia o se i'uga tuusa'o ona o le lē mafai e le a'oga fa'aitumalō ona fa'atino le IEP a le tamaitiiti.

Afai o le a'oga fa'aitumalō, o oe, ma isi sui talafeagai o le Vaega o le IEP a le tamaitiiti e filifilia soo se tulaga o ia tuutuuga sa fa'amalieina, e tatau ona filifilia le ta'ita'iga e avea ma molimau o le iai o se tamaitiiti e iai ma'i tumau.

Afai o le a'oga fa'aitumalō, o oe, ma isi sui talafeagai o le Vaega o le IEP a le tamaitiiti e filifilia o le ta'ita'iga o loo fesiligia o se i'uga tuusa'o o le lē mafai e le a'oga fa'aitumalō ona fa'atinoina le IEP, e tatau i le a'oga fa'aitumalō ona faia gaioiga vave e fo'ia ai ia fa'aletonu.

O le naunauta'iga e fa'aalia ai o amio o se molimau manino o le iai o ma'i tumau i se tamaitiiti

Afai o le a'oga fa'aitumalō, o oe, ma isi sui talafeagai o le Vaega o le IEP a le tamaitiiti e filifilia o le ta'ita'iga sa o se molimau o le iai o se tamaitiiti e iai ma'i tumau, e tatau i le Vaega o le IEP:

1. O le fa'atautaia o se su'esu'ega o amioga fa'aalia, se'i vaganā sa faia e le a'oga fa'aitumalō se su'esu'ega o amioga fa'aalia ae le'i vaaia amio ia ua afua ai ona suia le nofoaga, ma fa'atino ai se fuafuaga mo le fa'asalaveiina o amioga le lelei mo le tamaitiiti; **pe**
2. Afai ua leva ona iai se fuafuaga mo le fa'asalaveiina o amioga le lelei, toe iloilo le fuafuaga fa'asalavei mo amioga le lelei, ma toe suia, pe a talafeagai ina ia fa'ailoa ai ituaiga amio.

Se'i vagana tulaga e pei ona fa'amatalaina i lalo o le ulutala **Tulaga fa'apitoa**, e tatau ona toe fa'afoi atu e le a'oga fa'aitumalō lou alo i le nofoaga sa aveesea mai ai vaganā ua lua malilie ma le itumalō i le suiga o le nofoaga o se vaega o suiga o le fuafuaga fa'asalavei o amioga le lelei.

Tulaga fa'apitoa

Tusa pe e le'o le amio sa o se molimau o le iai o ma'i tumau o lou alo, e mafai e faia'oga ona aveese se tamaitiiti a'oga i se nofoaga fa'alea'oa'oga le tumau (e filifilia e le Vaega o le IEP a le tamaitiiti) mo le oo atu i le 45 aso a'oga, pe afai o lou alo:

1. Ave o se au'upega (silasila i le fa'auigana o loo i lalo) i le a'oga pe o le iai o se au'upega i le a'oga, i totonu o le lotoā a le a'oga, pe i se gaioiga fa'atino a le a'oga i lalo o le pule'aga a le SEA poo se a'oga fa'aitumalō;
2. Feavea'ia ma le iloa poo le fa'aaogaina o fualaau e le fa'atulafonoina (silasila i le fa'auigana o loo i lalo) poo le fa'atauina atu poo le fa'atauina o le fa'atauina o se fualaau e fa'asaina lona fa'aaogaina (silasila i le fa'auigana o loo i lalo) a'o iai i le a'oga, totonu o le lotoā a le a'oga, poo se gaioiga fa'atino a le a'oga i lalo o le pule'aga a le SEA poo se a'oga fa'aitumalō; **pe**
3. O le fa'atupuina o ni manu'aga tugā (silasila i le fa'auigana o loo i lalo) i se isi tagata a'o iai i le a'oga, totonu o le lotoā a le a'oga, poo se gaioiga fa'atino a le a'oga i lalo o le pule'aga a le SEA poo se a'oga fa'aitumalō.

O fa'auigana

Fualaau fa'asaina o lona uiga o se fualaau oona poo se isi fualaau o loo fa'ailoa i lalo o fa'atulagana I, II, III, IV, poo le V i vaega 202(c) o Controlled Substances Act (Tulafono o Fualaau Fa'asaina) (21 U.S.C 812(c)).

Fualaau e le Fa'atulafonoina o lona uiga o se fualaau fa'asaina; ae le aofia ai se fualaau fa'asaina o loo umia fa'atulafono pe fa'aaogā i lalo o le vaavaaiga a se tagata e iai le tomai fa'atausi soifua ma ua laiseneina pe umia fa'atulafono pe fa'aaogā i lalo o soo se pulega o i lalo o lenā lava Tulafono poo lalo o soo se aiāiga fa'atulafono feterale.

Manu'a tugā i le tino e iai lona uiga e tuuina i le fa'aupuga "manu'a tugā i le tino" i lalo o le palakalafa (3) o le vaega puipui (h) o le vaega 1365 o le ulutala 18, o le Tulafono i le Lunaite Setete..

Au'upega e iai lona uiga e tuuina i le fa'aupuga "au'upega malolosi" i lalo o le palakalafa (2) o le vaega puipui (g) muamua o le vaega 930 o le ulutala 18, o le Tulafono i le Lunaite Setete.

Fa'asilasilaga

I le aso ua faia ai se fa'ai'uga mo le fa'asinoga o se suiga lea o le nofoaga e ave iai lou alo ona ua soliina se tulafono mo amioga a tamaiti a'oga, e tataua ona logoina oe e le a'oga fa'aitumalō mo lenā fa'ai'uga, ma tuuina atu ia te se fa'asilasilaga o galuega fa'atulagaina mo le saogalemū.

SUIGA O NOFOAGA E NONOFO AI ONA O AMIOGA LE PULEA

O le aveeseina o lou alo e iai se ma'i tumau mai le nofoaga fa'alea'oa'oga o iai i le taimi nei o se **suiga o nofoaga** pe afai:

1. O le aveesega e sili atu ma le 10 aso a'oga sosoo; **pe**
2. O lou alo ua fai ma matā'upu masani i le tele o taimi e aveese ai ma ua avea lea ma pateni ona:
 - a. O le tele o taimi e aveese ai e sili atu ma le 10 aso a'oga i le tausaga a'oga;
 - b. O le amio a le tamaitiiti ua foliga tutusa ma le amio i le taimi ua te'a sa iai isi fa'afitauli lea na afua ai ona aveesea i le tele o taimi;
 - c. Ona o ia vaega fa'aopoopo e pei o le umi o le taimi e aveese ai, o le aofa'iga o le taimi e aveese ai lou alo, ma le felata'i o le va o le isi aveesega i le isi.

Pe afai o se pateni o aveesega e afua ai se suiga o nofoaga e filifiliina i luga o matā'upu sosoo e le a'oga fa'aitumalō ma, afai e fa'afaigata, e avea ma se matā'upu e toe iloiloina e ala i le faia o se fa'ai'uga tutusa ma tolaulauga a le fa'amasinoga.

FILIFILIGA O NOFOAGA E NONOFO AI

O le Vaega o le polokalame mo a'oa'oga ta'ito'atasi (IEP) e filifilia le nofoaga fa'alea'oa'oga le tumau mo i latou e aveesea ona o **suiga o nofoaga**, ma le aveesea ona o tulaga i lalo o le ulutala **Pulega fa'aopoopo** ma **Tulaga fa'apitoa**.

TALOSAGA

Mo le lautele

E mafai ona e talosagaina se fa'amasinoga mo fa'ai'uga tutusa (silasila i le ulutala **Laasaga Fa'ataatitia o Fa'aseā mo Fa'ai'uga Tutusa**) pe afai e te le malie i:

1. O soo se fa'ai'uga e fa'atatau i le tuuina i se isi nofoaga sa faia i lalou o nei aiāiga mo le fa'atonutonuina o amioga fa'aalia; **pe**
2. O le naunauta'iga mo galuega lelei o loo fa'amatalaina i luga.

E mafai e le a'oga fa'aitumalō ona talosaga se fa'aseā mo fa'ai'uga tutusa (silasila i luga) pe afai e talitonu o le nofo ai pea o le tamaitiiti i le nofoaga o iai i le taimi nei e ono tula'i mai ai ni fa'afitauli e fa'amanu'alia ai lou alo poo isi.

Pule a le fa'amasino

O se fa'amasino e 'ausiaina mea uma e mana'omia o loo fa'amatalaina i lalo o le ulutala **fa'amasino fa'amaoni e le fa'aitu'au** e tatau ona fa'atautaia se fa'amasinoga mo fa'ai'uga tutusa ma faia filitiliga tonu. E mafai e le fa'amasino ona:

1. Toe fa'afoi lou alo e iai ma'i tumai i le nofoaga na aveese mai ai pe afai e manatu le fa'amasino o le aveeseina o lou alo o se solitulafono o vaega mana'omia o loo fa'amatalaina i lalo o le ulutala **Pulega a le Mamalu o le A'oga ma Faia'oga**, pe o amioga fa'aalia a lou alo o se molimau manino o le iai o ona ma'i tumau; **pe**
2. Faia se suiga o le nofoaga a lou alo e iai se ma'i tumau i se nofoaga fa'alea'oa'oga le tumau mo se taimi e le silia ma le 45 aso a'oga pe afai e manatu le fa'amasino o le nofo ai pea o lou alo i le nofoaga o iai i le taimi nei e ono tula'i mai ai ni fa'afitauli e fa'amanu'alia ai lou alo poo isi.

O nei laasaga fa'ataatitita mo fa'amasinoga e mafai ona toe fa'aaogā, pe afai e talitonu le a'oga fa'aitumalō o le toe fa'afoiina o lou alo i le nofoaga muamua e ono tula'i mai ai ni fa'afitauli e fa'amanu'alia ai lou alo poo isi.

O soo se taimi lava e te fa'aulu ai pe failaina e le a'oga fa'aitumalō se fa'aseā mo fa'ai'uga tutusa e talosaga ai se fa'amasinoga, e tatau ona faia se fa'amasinoga i le talosaga e 'ausiaina vaega mana'omia o loo fa'amatalaina i lalo o le ulutala **Laasaga Fa'ataatitia o Fa'aseā mo Fa'ai'uga Tutusa** ma **Fa'amasinoga i luga o Fa'aseā mo Fa'ai'uga Tutusa**, se'i vaganā vaega o loo mulimuli:

1. E tatau i le SEA poo le a'oga fa'aitumalō ona fa'atonuina se fa'amasinoga fa'anatinati mo se fa'ai'uga tutusa, lea e tatau ona fa'atinoina i totonu o le **20** aso a'oga i le aso ua talosagaina mo fa'amasinoga ma e tatau ona fa'ai'uina i se fa'ai'uga i totonu o le **10** aso a'oga ina ua mae'a le fa'amasinoga.
2. Se'i vaganā ua lua malilie ma le a'oga fa'aitumalō i se tusi e soloia ai le fonotaga, pe malilie i le faia o se fa'aleleiga, o se fonotaga mo fa'aleleiga e tatau ona faia i totou o le **fitu** aso fa'alekalena talu ona maua le tusi fa'aseā mo se fa'ai'uga tutusa. E mafai ona fa'agasolo le fa'amasinoga se'i vaganā ua uma ona soālaupule le matā'upu ma malilie ai itū uma i totonu o le **15** aso fa'alekalena talu ona maua le fa'aseā mo se fa'ai'uga tutusa.

E mafai ona talosagaina e oe poo le a'oga fa'aitumalō le fa'ai'uga i se fa'amasinoga fa'anatinati mo se fa'ai'uga tutusa i le auala e tasi lea e faia ai foi fa'ai'uga i isi fa'amasinoga mo fa'ai'uga tutusa (silasila i le ulutala **Talosaga**).

NOFOAGA I TAIMI O TALOSAGA

Ina ua fa'aulu e oe poo le a'oga fa'aitumalō, e pei ona fa'amatalaina i luga, se fa'aseā mo se fa'ai'uga tutusa e fesoota'i ma matā'upu i le fa'atonutonuina o tamaiti, e tatau i lou alo (se'i vaganā o oe ma le ODE poo le a'oga fa'aitumalō ua malilie) ona nofo pea i le nofoaga fa'alea'oa'oga le tumau o iai nei a'o fa'atalitali ai le fa'ai'uga a le fa'amasinoga, pe se'ia mae'a le taimi fa'atulagaina e aveesea ai e pei ona tuuina mai ma fa'amatalaina i lalo o le ulutala **Pulega a le Mamalu o le A'oga ma Faia'oga**, o fea lava e tupu muamua.

PUIPUIGA MO TAMAITI E LE'O AGAVAA MO A'OA'OGA FA'APITOA MA AUAUNAGA FESOASOANI TALAFEAGAI

Mo le lautele

Afai e le'i faia lava se filifiliga e agavaa ai lou alo i a'oa'oga fa'apittoa ma auaunaga talafeagai ma solia se tulafono mo amioga a tamaiti a'oga, ae sa iloa e le a'oga fa'aitumalō (e pei ona

fa'aailoa i lalo) a'o le'i fa'aalia amio ua mafua ai gaoiga fa'atonutonu o amio fa'aalia, o le tamaitiiti o se tamaitiiti e iai ona ma'i tumau, o lona uiga e mafai e lou alo ona fa'aailoa soo se puipuiga o loo fa'amatalaina i lenei fa'asilasilaga.

Fa'avae o le malamalama mo matā'upu fa'atonutonu o amio fa'aalia

E iai le manatu o le a iai le malamalama o le a'oga fa'aitumalō o lou alo e iai ona ma'i tumau pe afai e le'i alia'e amioga sa mafua ai ona faia gaoiga fa'atonutonu mo amioga fa'aalia:

1. Sa e fa'amatalaina ou atugaluga i se tusi i le supavaisa poo le pulega talafeagai o le ofisa sooupu o a'oga, poo le faia'oga a lou alo e mana'omia e lou alo a'oa'oga fa'apitoa ma auaunaga talafeagai;
2. Sa e talosaga i se iloiloga e fesoota'i ma tulaga e agavaa ai mo a'oa'oga fa'apitoa ma auaunaga talafeagai i lalo o le Vaega B o le IDEA; **pe**
3. Sa fa'amatala e le faia'oga a lou alo poo isi tagata galulue i le a'oga popolega e fa'apitoa i se pateni o amioga fa'aalia sa'o e lou alo i le fa'atonu sili o a'oa'oga fa'apitoa a le a'oga fa'aitumalō poo isi supavaisa o le a'oga fa'aitumalō.

Faiga fa'apitoa

O le a leai se malamalama'aga o le a'oga fa'aitumalō i lea itū pe afai:

1. E te le'i fa'atagaina se iloiloga o le tamaitiiti pe sa e teena auaunaga mo a'oa'oga fa'apitoa; **pe**
2. Sa iloiloina lou alo ma fa'aailoaina ai e le'o se tamaitiiti e iai ni ma'i tumau i lalo o le Vaega B o le IDEA.

O aiāiga e apalai pe afai e lea se fa'avae o le malamalama

Afai o le taimi e le'i faia galuega mo le fa'atonutonuina o lou alo, e leai se malamalama o le a'oga fa'aitumalō o lou alo e iai ni ona ma'i tumau, e pei ona fa'amatalaina i luga i lalo o le ulutala ***Fa'avae o le malamalama mo matā'upu fa'atonutonu o amio fa'aalia*** ma ***Faiga fa'apitoa***, e mafai ona avea lou alo ma matā'upu mo galuega fa'atonutonu lea e apalai i tamaiti e leai ni ma'i tumau o loo fa'aalia amioga foliga tutusa.

Peita'i, afai sa faia se talosaga mo se iloiloga o lou alo i le taimi fa'apiliota lea sa avea ai lou alo ma taula'iga o galuega fa'atonutonu, e tatau ona fa'atautaia le iloiloga i se tulaga fa'anatinati.

Se'i vaganā ua mae'a le iloiloga, e tumau pea ona nofo lou alo i le nofoaga fa'alea'oa'oga sa filifilia e le pulega a le a'oga, lea e mafai ona aofia ai le fa'amalōlō le tumau poo le tuli e aunoa ma ni auaunaga fa'alea'oa'oga.

Afai ua filifilia se tamaitiiti o se tamaitiiti e iai ma'i tumau, e tatau ona manatu i fa'amatalaga uma mai le iloiloga sa fa'atautaia e le a'oga fa'aitumalō, ma fa'amatalaga sa e avea, e tatau i le a'oga fa'aitumalō ona saunia a'oa'oga fa'apitoa e tusa ai ma le Vaega B o le IDEA, e aofia ai mea mana'omia mo galuega fa'atonutonu o loo fa'amatalaina i luga.

FA'ASINOGA MA GAIOIGA FA'ATINO E I LATOU O LOO FA'AMALOSIA LE TULAFONO FA'APEA LE PULEGA O FA'AMASINOGA

Vaega B o le IDEA e le'o:

1. Taofia ai se lālā soo'upu mai le lipotiina o se solitulafono sa fa'atino e se tamaitiiti e iai ma'i tumau i pulega talafeagai; **pe**
2. Puipuia i latou e fa'amalosia tulafono i le setete ma pulega o le fa'amasinoga e tusa ai ma le fa'aaogaina o tulafono fa'afeterale ma tulafono a le setete i solitulafono e fa'atinoina e se tamaitiiti e iai ma'i tumau.

Tuuina atu o fa'amatalaga

Afai e lipotiina e se a'oga fa'aitumalō se solitulafono sa fa'atino e se tamaitiiti e iai ma'i tumau, o le a'oga fa'aitumalō:

1. E tatau ona latou fa'amautinoaina le tuuina atu o kopi o le a'oga fa'apitoa a le tamaitiiti ma fa'amaumauga o galuega fa'atonutonu sa faia iai i le pulega lea e lipoti iai e le ofisa soo'upu solitulafono mo su'esu'ega; **ma**
2. E mafai ona tuuina atu kopi o le a'oga fa'apitoa a le tamaitiiti ma fa'amaumauga o galuega fa'atonutonu sa faia i na'o fa'alauteleaga o le taimi e fa'atagaina e le Family Educational Rights and Privacy Act (FERPA).

MEA E MANA'OMIA MO LE TUUFA'ATASIGA I SE NOFOAGA E TASI E FAIA E MĀTUA O TAMAITI I A'OGA TUMA'OTI O LOO FA'ATUPEINA E LE MALŌ

MO LE LAUTELE

O le Vaega B o le IDEA e le mana'omia ai le tologiina e se a'oga fa'aitumalō o le tau o a'oa'oga, e aofia ai a'oa'oga fa'apitoa ma auaunaga talafeagai o lou alo e iai ni ona ma'i tumau i se a'oga tuma'oti poo falea'oga pe afai sa faia e le a'oga fa'aitumalō se a'oga faia fua ma talafeagai (FAPE) e maua e lou alo ae ua e filifili e tuuina lou alo i se a'oga tuma'oti poo se fale'oga. Ae peita'i, o le a'oga fa'aitumalō lea e iai le a'oga tuma'oti e tataua ona iai lou alo i le faitau aofa'i o i latou o ō latou mana'oga o loo fa'ailoaina i lalo o aiāiga o le Vaega B e uiga i tamaiti ua tuuina e o latou mātua i a'oga tuma'oti i lalo o le 34 CFR §§ 300.131 se'ia oo i le 300.144.

Toe tologiina o tupe mo le tuuina o fanau i a'oga tuma'oti

Afai sa maua e lou alo a'oa'oga fa'apitoa ma auaunaga talafeagai i lalo o le pulega a se a'oga fa'aitumalō, ma e filifili e lesitala lou alo i se a'oga fa'ata'ita'i tuma'oti, a'oga tulaga lua, poo le a'oga maualuga e aunoa ma se maliēga poo se fa'asinoga i se isi a'oga e le a'oga fa'aitumalō, e ono mana'omia e se fa'amasinoga poo se fa'amasino le toe tologiina o oe mo le tau o lenā lesitala pe afai ua maua e le fa'amasinoga poo le fa'amasino e le'i faia e le ofisa soo'upu se a'oga faia fua ma talafeagai (FAPE) e maua e lou alo i le taimi talafeagai ae le'i faia le lesitala ma o le tuuina i le nofoaga tuma'oti ua alagataua. E mafai e se fa'amasino poo le ofisa o le fa'amasinoga ona fa'ailoa le talafeagai o lou nofoaga, tusa pe le'o 'ausia e le nofoaga tulaga a le setete e apalai i a'oa'oga e saunia e le SEA ma a'oga fa'aitumalō.

Fa'atapulaaga o tupe toe tologiina

O le tau o tupe totogi o loo fa'amatalaina i le palakalafa i luga e mafai ona fa'aitiitia pe teenaina:

1. Pe afai: (a) I se fonotaga pito sili ona lata mai mo le polokalame mo a'oa'oga ta'ito'atasi (IEP) sa e auai ai ae e te le'i aveeseina lou alo mai le a'oga a le malō, e te le'i logoina le Vaega a le IEP o loo e teenaina le nofoaga fuafuaina e le a'oga fa'aitumalō, e saunia ai auaunaga a le FAPE mo lou alo, e aofia ai le fa'ailoaina o ou popolega ma lou fa'amoemoe e lesitala lou alo i se a'oga tuma'oti e fa'atupe e le malō; pe (e) Tusa pe itiiti ifo ma le 10 aso fa'apisinisi (e aofia ai soo se aso malōlō e pa'ū i se aso fa'apisinisi) ae e te le'i aveeseina lou alo mai le a'oga a le malō, e te le'i fa'ailoaina ia fa'amatalaga i le a'oga fa'aitumalō i se tusi;
2. Pe afai, ae e te le'i aveeseina lou alo mai le a'oga a le malō, sa saunia e le a'oga fa'aitumalō se tusi na tūsia muamua ia te oe e fa'ailoa ai lona fa'amoemoe e iloilo lou alo (e aofia ai se fa'amatalaga i le mafua'aga o le iloiloga sa talafeagai ma alagataua), ae e te le'i fa'aavanoaina lou alo mo le iloiloga; **pe**
3. I luga o su'esu'ega a le fa'amasinoga ua maua ai o au gaiōiga e le talafeagai. Ae peita'i, o le tau o tupe toe tologiina e:

1. E le tatau ona fa'aitiitia pe teenaina mo le lē faia o le fa'asilasilaga pe afai: (a) Sa puipuaia oe e le a'oga mai le faia o le fa'asilasilaga; (e) E te le'i mauaina se fa'asilasilaga o lau matāfaioi e faia ai le fa'asilasilaga o loo fa'amatalaina i luga; poo le (i) Faia o mea mana'omia o loo i luga o le a oo ai puapuaga i lou alo; **ma**
2. E mafai i le pule faitalia a le fa'amasinoga poo se fa'amasino ona le fa'aitiitia pe teenaina mo le lē faia o le fa'asilasilaga mana'omia pe afai: (a) E le'i lelei lau a'oga pe e te leiloa tusi i le Igilisi; poo le (e) Faia o mea mana'omia o loo i luga o le a oo ai puapuaga i lou alo.